

DBB ta urgi ciudadanonan pa evita biahe pa Medio Oriente

ORANJESTAD (AAN): Ministerio di Asuntonan Exterior di Reino Hulandes, pa medio di Departamento di Relacionnan Exterior di Aruba (DBB), ta emiti un aviso urgente na tur ciudadano pa evita biahe pa Medio Oriente. E yamada aki ta bini como resultado di e riesgonan di seguridad halto cu ta afectando e region actualmente.

Riesgonan y situacion actual

E situacion na Medio Oriente ta keda extremadamente tenso y impredecibel. Tin un riesgo real pa ceramento di espacio aereo y cancelacion di buelonan sin previo aviso. Ademas stranheronan, incluyendo ciudadanonan di Reino Hulandes ta core un riesgo eleva di detencion arbitrario.

Ta pidi pa tene cuenta cu, den situacionnan di crisis, e capacidad di Embahada Hulandes pa brinda asistencia consular por ta hopi limita of inexistente. E advertencia aki ta conta en particular pa biahenan pa Iran, Israel, Irak, Libanon, Emiratos Arabes Uni y e islanan Abu Musa y Tunb.

Instruccion urgente: Crisis Contactformulier (Deadline 6 di Maart)

Ministerio di Asuntonan Exterior di Reino Hulandes ta conseha tur persona cu ya caba ta den e region pa evalua nan situacion y sali for di e area si esaki ta posibel di un forma sigur y controla.

Actualmente e Crisis Contactformulier ta wordo uza pa personanan cu a keda pega den e siguiente teritorionan: Israel, Territorionan Palestino (West Bank), Jordania, Iran, Irak, Libanon, Oman, Bahrein, Kuwait, Qatar, Saudi-Arabië y Emiratos Arabes Uni. E Crisis Contactformulier por ser haya riba e website di Ministerio di Asuntonan Exterior di Reino Hulandes via e siguiente link: <https://www.nederlandwereldwijd.nl/crisis/formulier>

Deadline: E formulario aki lo cera diabierna 6 di maart 2026 pa 12:00 di merdia (ora di Hulanda).

Condicionnan: Por yena e formulario solamente si bo ta pega den e paisnan menciona y bo ta biba na Hulanda of den e parti Caribense di Reino manera Aruba, y bo tin nacionalidad Hulandes (of bo ta partner/yiu di un persona cu nacionalidad Hulandes).

Asistencia y Registro

Pa keda informa di e desaroyonan mas reciente, ta crucial pa registra via e Informatieservice: <https://informatieservice.nederlandwereldwijd.nl/>. Esnan den necesidad por tuma contacto via e contactcenter 24 ora pa dia via: +31 247 247 247.

Departamento di Relacionnan Exterior Aruba ta enfatisa e importancia pa keda alerta, bon informa y sigui estrictamente e consehonan di biahe oficial via e website di Ministerio di Asuntonan Exterior di Reino Hulandes: www.nederlandwereldwijd.nl/reisadvies.

Ministro Geoffrey Wever:

Aruba y Curaçao ta marca un paso historico cu publicacion di destaho pa ferry entre e islanan

• *A caba di publica e 'Terms of Reference'*

Accion Policial den Caribe Hulandes

Campaña di Accion pa comunidad entrega arma di candela ilegal



ORANJESTAD (AAN): Cuerponan Policial di Caribe Hulandes den cooperacion cu e Colegio di Hefenan di Cuerpo (college van korpschef), ta anuncia lansamento di un accion interinsular relaciona cu entrega di arma di

candela ilegal.

E iniciativa conhuntamente ta un colaboracion di e organizacionnan di Caribe Hulandes cu cooperacion di Ministerionan Publico di Aruba, Curaçao, Bonaire, Saba, St. Eustatius y St. Maarten.

Pa prome biaha tur e islanan aki simultaneamente ta traha riba un accion di entrega di arma di candela ilegal.

Mas detaye tocante temporada, localidad y procedura pa entrega di arma di candela, lo keda comunica door di cada Cuerpo policial individualmente, den e dianan cu ta sigui.



Campaña di Accion pa comunidad entrega arma di candela ilegal



ORANJESTAD (AAN): Cuerponan Policial di Caribe Hulandes den cooperacion cu e Colegio di Hefenan di Cuerpo (college van korpschef), ta anuncia lansamento di un accion interinsular relaciona cu entrega di arma di candela ilegal.

E iniciativa conhunta-mente ta un colaboracion di e organizacionnan di Caribe Hulandes cu cooperacion di Ministerionan Publico di Aruba, Curaçao, Bonaire, Saba, St. Eustatius y St. Maarten.

Pa prome biaha tur e islanan aki simultaneamente ta traha riba un accion di entrega di arma di candela ilegal. E meta principal di e accion coordina aki ta, pa brinda tur esnan cu ta den posesion di un arma di candela ilegal, e oportunidad pa di un forma



boluntario entrega esaki durante di un periodo determina, sin cu e tin consecuencia penal pa violacion di e ley di arma di candela.

Cu e accion colectivo aki e islanan kier manda un mensahe fuerte: arma di candela ilegal y violencia cu arma no ta wordo tolera den nos comunidadnan.

E proyecto ta refleja

e responsabilidad comparti di tur e islanan pa hisa e seguridad publico. E momento sincronisa di e accion ta demonstra e strategia regional di union, pa alcansa na reduccion di e cantidad di armanan di candela ilegal cu tin den circulacion y asina preveni tambe e cantidad di violencianan cu arma di candela.

A base di resultado di e



accion aki, e cuerponan hunto cu Ministerionan Publico lo intensiva e esfuersonan. Esaki door di eherce controlnan y entradanan hudicial cu lo bay tin na tur parti y sitionan riba e islanan, buscando arma di candela ilegal.

Cuerponan policial di

tur e islanan ta haci un yamada na tur ciudadano pa asumi nan responsabilidad y contribui na un sociedad mas sigur, door di haci bon uso di e oportunidad encuestion.

Dor di entrega bo arma di candela ilegal awor, bo ta evita di keda persigui penalmente y ademá bo ta salba bida.

Mas detaye tocante temporada, localidad y procedura pa entrega di arma di candela, lo keda comunica door di cada Cuerpo policial individualmente, den e dianan cu ta sigui.

CUNUKERO.

merkado Nos Tera.

Carni cabrito y porko.
Webó Local

Komkomer Tomati
Jambo
Boonchi largo
Berehein spinaka Pak Choi.

Pika naughtyhots.
Jabon Organico.
Organic essential oils.

Juice di Tamarijn
Sorsaka Ginger

Saturday 7th March
@SWIRLS PIEDRA PLAT #72

Ministro Geoffrey Wever:

Aruba y Curaçao ta marca un paso historico cu publicacion di destaho pa ferry entre e islanan

•A caba di publica e 'Terms of Reference'



ORANJESTAD (AAN): Ministerio di Finansa, Asunto Economico y Sector Primario, mr. Geoffrey Wever, den estrecho cooperacion cu Gobierno di Curaçao, representa door di Minister di Desaroyo Economico di Curaçao, Mr. Roderick Middelhof, ta anuncia oficialmente publicacion di e "Terms of Reference" (ToR) pa contrata un consultant cu lo guia e proceso pa realisa un conexion di ferry pa pasahero entre Aruba y Curaçao.

Cu e publicacion aki, Gabinete AVP-FUTURO ta marca un logro concreto den su vision pa fortalece cooperacion regional, amplia oportunidad economico y crea un sistema di transporte mas resiliente pa nos region.

Durante añanan, conectividad entre e islanan ABC tabata limita principalmente na transporte aereo, cu costo relativamente halto

y disponibilidad limita. E proyecto di ferry ta enfoca pa crea un alternativa accesibel, eficiente y duradero, cual lo facilita movilidad di persona, comercio y intercambio cultural.

E iniciativa aki ta basa riba e Memorandum of Understanding firma na 2023 entre Aruba y Curaçao, cual ta enfoca riba cooperacion economico y integracion regional. Pa Aruba, esaki no ta solamente un proyecto di transporte, sino un instrumento strategico pa diversificacion economico, fortificacion di comercio entre e islanan y expansion di oportunidad pa sector priva.

"Un conexion di ferry moderno y bon structura ta un inversion den futuro di nos region. Esaki ta fortalece nos posicion economico, amplia oportunidad pa comercio y turismo, y ta crea un alternativa resiliente pa nos sistema di movilidad," Minister Geof-



frey Wever ta declara.

E ferry lo habri caminda pa un modelo di turismo mas dinamico, incluyendo concepto di island hopping, unda bishitantenan internacional y residente por move facil entre islanan pa festival cultural, evento deportivo, reunion familiar y oportunidad comercial.

Ademas, e proyecto lo contribui na: (*) Stimula comercio bilateral. (*) Facilita movimiento di trahado y empresario. (*) Crea oportunidad nobo pa sector logistico y maritimo. (*) Fortifica cooperacion economico den Caribe. (*) Un proceso structura y transparente.

Gobiernonan di Aruba y Curaçao ta busca un compania di consultant cu experiencia amplio den transporte maritimo, factibilidad infrastructural y proceso di destaho publico completo.

E compania selecciona lo

guia e proyecto den cuatro fase critico: (*) Analisis integral di factibilidad economico, legal y tecnico. (*) Desaroyo di documento di Request for Proposal conforme mercado. (*) Maneho completo di e proceso di destaho pa operador di ferry. (*) Evaluacion final y recomendacion pa otorgacion di e trabao.

"Nos compromiso ta claro: un proceso transparente, profesional y conforme ley. Bon gobernacion y planificacion riguroso ta central den e proyecto aki, pa asina garantiza seguridad, sostenibilidad ambiental y viabilidad economico a largo plazo," Minister Wever enfatiza.

E destaho ta wordo maneha como un proceso publico di acuerdo cu leynan vigente

na Aruba. Interesadonan por revisa e ToR oficial y tene cuenta cu siguiente fecha indicativo: (*) Deadline pa pregunta: 6 maart 2026. (*) Deadline pa entrega di propuesta: 20 maart 2026. (*) Otorgacion contrato consultant: 30 maart 2026. (*) Seleccion anticipa di operador di ferry: 26 februari 2027.

Propuestanan mester wordo entrega digitalmente y mester demonstra experiencia comprobada den transporte maritimo, estudio di factibilidad infrastructural y destaho publico. Cu e paso concreto aki, Gabinete AVP-FUTURO ta confirma su compromiso cu pueblo di Aruba pa desaroya un region mas integra, mas accesibel y economicamente mas fuerte, den interes di tur ciudadano y futuro di nos

Awemainta algun cas na Boroncana lo no tin awa



ORANJESTAD (AAN): E compania di WEB Aruba NV, a emiti un informacion cu nan lo bay haci trabao di mantenimiento den area di Noord.

Awe Diaranson 4 di Maart 2026, for di 8:30 am te cu 11:30 am, nan lo bay corta suministro di awa pa algun cas.

Esaki lo ta na e adresnan Boroncana 120, 121, 122, 123, 124, 124-B, 126, 128, 128-B, 129, 130, 133, 134, 135, 136, y e cas sin number dilanti 134.

Tambe lo corta awa pa e 3 oranan ey na Sero Pela 2-R. WEB ta spera cu e habitantenan tuma nota di esaki.

Santa Rosa ta celebra 50 aniversario durante su mercado Diasabra awor

ORANJESTAD (AAN)--Manera DIARIO a duna di conoce, Diasabra dia 7 di Maart aki, Departamento di Agricultura, Cria y Pesca (DLVV- Santa Rosa) lo tin su siguiente Mercado y como cu Santa Rosa lo ta celebrando su di 50 Aniversario e aña aki, nan kier conmemora hunto cu tur e cunukeronan, criado, y piscado, kendenan apesar di tur reto a sigui contribui na Aruba su sector primario.

Santa Rosa a wordo estab-



leci como un proyecto experimental di gobierno, na aña 1976. Den e transcurso di e siman aki, lo tin mas informacion tocante e desaroyo interesante di Santa Rosa te cu aworaki.



Cuminsando cu 4 florin, bo por gana e suma grandi aki

Afl. 220.000,-

Obtenibel na cualkier rebendado di Lotto.



HUNGA AWO

sorteo ta awe nochí 7:45 pm



Randy Maduro, PR di Santa Rosa:

E hecho cu tin hende ta sigui tira sushi na rand di dam ta condenabel

ORANJESTAD (AAN)-- Randy Maduro, Relacionista Publico di Departamento di Agricultura, Cria y Pesca (LVV-Santa Rosa), den entrevista cu Matutino DIARIO a elabora tocante e damnan cu ta cay bao maneho di Santa Rosa. Randy Maduro a bisa cu enberdad, un biaha mas por a tuma nota den prensa, cu atrobe tin sushi na oriya di e dam, y cu tin personanan cu ta bentu sushi directamente den e dam. "Esaki un biaha mas ta masha condenabel, pasobra nos cu ta e Departamento di Agricultura, Cria y Pesca,

pero den e caso di Agricultura y Cria, na momento cu un persona cu tin un di e tankinan blanco di mil liter, ta bay haci uzo di awa di dam pa muha su cosecha of pa duna su bestianan awa di bebe, ta topa cu escenarionan asina aki di sushi, cu un biaha mas ta wordo tira na nos damnan, esaki ta condenabel", Randy Maduro a vocifera.

Personal di Santa Rosa, atrobe, ta haci un apelacion, pa por fabor evita esaki. "Mi ta kere cu Minister Presidente, ultimo lunanan, for di comienzo di e gobierno nobo,



ta haci hopi riba Diasabra of Diadomingonan, pa comunidad por tira nan sushi afo. Acumula bo sushi un rato den bo cura, y na momento cu tin oportunidad y espacio pa tira e sushi afo, ami ta kere bo por haci uzo di facilidad ey.



Depende, logicamente di den cual barío bo ta. Pero si, trata di tira bo sushi den e bakinan aki cu gobierno ta promoviendo, esta 'Baki den Barío', pa

bo tira bo sushi afo y no bay tire na oriya of den e dam directamente", Randy Maduro, PR di LVV-Santa Rosa ta remarca.

Aruba ta fortalece educacion profesional cu dos acuerdo strategico importante

ORANJESTAD (AAN): Diamars a firma oficialmente dos acuerdo di gran importancia pa futuro di educacion profesional na Aruba. Cu e firma aki, Ministerio di Educacion, hunto cu e partnernan local y internacional, ta confirma su compromiso pa fortifica calidad, innovacion y conexion cu mercado laboral.

Fortalece colaboracion local den MBO

E prome acuerdo ta un colaboracion entre Dienst Publieke Scholen (DPS) representando EPI y OABA y Stichting Educacion Profesional Basico (SEPB). E meta principal di e colaboracion ta modernisa y fortifica educacion profesional (MBO) riba Aruba durante e proximo dos añanan.

E acuerdo ta enfoca riba:

- Innovacion den metodo di enseñansa
- Profesionalisacion di docentenan
- Desaroyo di un linea di aprendizaje continuo for di scol te na mercado laboral of educacion pa adulto
- Flexibilisacion di trayecto di estudio
- Un miho conexion entre enseñansa y necesidadnan di mercado laboral



racion aki lo contribui na un sistema di enseñansa cu ta mas adapta, relevante y prepara hoben- y adultonan miho pa futuro profesional.

Continuacion di alianza internacional cu ROC Mondriaan

Ademas, a wordo renoba y formalisa e alianza strategico entre ROC Mondriaan (Hulanda) y e institucionnan na Aruba. E colaboracion aki, cu lo dura te 2030, ta basa riba igualdad y un pasion comparti pa ofrece e miho enseñansa na tur studiantenan — tanto na Hulanda como na Aruba.

E enfoca pa e añanan binidero ta inclui:

- Innovacion y calidad den enseñansa
- Flexibilisacion di enseñansa y concepto di "Leven Lang Ontwikkelen"

- Intercambio di docente y estudiante- Temanan actual manera AI, desaroyo di team y igualdad di oportunidad

Inversion den talento y futuro di Aruba

Cu e dos acuerdo aki, Aruba ta pone un paso firme den direccion di un sistema di educacion profesional moderno, dinamico y conecta cu e mundo real. E colaboracion local y internacional ta crea oportunidad nobo pa studiantenan, docentenan y pa desaroyo economico di nos pais. Ministerio di Educacion ta expresa su gratitud na tur partnernan involucra y ta reafirma su compromiso pa sigui traha hunto riba un vision comparti: un Aruba unda talento ta desaroya, innovacion ta florece y enseñansa ta sirbi como base solido pa progreso sostenibel.

MAESTRO BENJAMIN

MAESTRO BENJAMIN, UN MAESTRO CU DI BERDAD TA PARA SUFRIMENTO.

Bishit'e abo mes! Maestro Benjamin ta sigui y caba cu e trabao cu otro a cuminsa na otro lugar.

• E ta kita bruheria, hechizos, daños y tambe e ta dera maldicion y salamientos.

• E ta cura y sana tur tipo di enfermedad manera artrosis, alzheimer, demencia, depression, diabetico, hipotiroidismo, osteoporosis, parkinson, insomnia y hopi malesa mas.

Abo mi amigo stima, cu ta sufriendo di bo prostaat of impotencia sexual, Maestro Benjamin tin e tratamiento pabo cu lo curabo den un tempo cortico.

"Mi ta cura problema di addiction di droga y alcohol y mi ta recupera bo ser kerí sin importa tempo of e distancia."

No sufri mas den silencio pa tur problema tin un solucion y pa tur enfermedad tin un sanacion. Trabao ta 100% garantisa y den un poco tempo.

Yama awe mes of manda un WhatsApp na 641-4186 pa traha bo afspraak.

CEL/ 641-4186

Ministro Geoffrey Wever hopi satisfecho:

Fitch Ratings upgrade Aruba un biaha mas

• *Siman a habri cu bon noticia pa e isla*



ORANJESTAD (AAN): Diamars mainta Gobierno di Aruba a ricibi e grato noticia cu Fitch Ratings

a publica riba network financiero internacional cu nan a upgrade Aruba for di BBB- pa BBB. Esaki ta di

dos upgrade consecutivo, un logro remarcabel.

Minister di Finansa, Asunto Economico y Sec-

tor Primario, mr. Geoffrey Wever a indica na DIARIO, cu e ta aplaudi e decision aki di Fitch, sigur considerando cu esaki ta un reconocimiento di trabaonan grandi cu a wordo haci pa pone finanzas y economia di Aruba na ordo.

BBB ta e nivel mas halto cu un pais manera Aruba por logra. Aruba a conoce un rating na e nivel aki ultimo biaha na 2013, cual ta 13 aña pasa. E rating mas abou cu Aruba a conoce den su historia tabata "BB negative" na momento cu Aruba a hasta perde su status di 'investment' grade pa motibo di e impacto di pandemia Covid-19.

Sin embargo, aña pasa Fitch a upgrade Aruba su rating pa BBB-, for di BB+. Cu e decision ey a saca Aruba for di e categoria BB cu ta non-investment grade. Cu e decision di awe Fitch un biaha mas ta upgrade Aruba y di e forma aki ta reforza cu Aruba su posicion den categoria di BBB.

Segun e instancia internacional, esaki ta refleha progreso significativo den reduccion di debe di gobierno, sostiene pa surplusnan fiscal halto y gobernacion fuerte.

E team di Fitch a bishita Aruba na inicio di februari 2026 y como parti di nan evaluacion a reuni cu varios instancia clave, manera Departamento di Finanzas, Banco Central di Aruba, CAft, APFA, ABA, VNO y ATA, pa ricibi un panorama completo di e situacion economico y financiero di Aruba.

Agencianan di rating ta

instancianan independiente cu ta analisa e capacidad di un pais (of empresa) pa cumpli cu su obligacionnan financiero. Nan ta evalua riesgo financiero, estabilidad economico y maneho fiscal.

Un rating ta directamente afecta e disponibilidad di financiamiento, pero tambe e ta determina e costo di esaki. Mas abou e rating, mas riesgo ta wordo percibi, cual ta implica un tasa di interes (%) mas halto y, consecuentemente, un gasto di interes mas halto pa pais. Rating tambe ta di gran importancia pa inversionistanan cu ta busca pa inverti den sector priva. P'esey, e dialogo cu Fitch Ratings ta fundamental pa Aruba.

Cu e accion aki Aruba ta goza di no menos cu tres investment grade ratings di bon calidad, locual ta refleha un nivel di confianza den maneho di finansa publico y estabilidad economico di nos pais. Un relacion bon y stabil den Reino tambe ta un factor importante pa e agencianan di rating y regularmente ta forma parti di e evaluacionnan.

Minister Wever ta enfatisa e importancia di dialogo continuo entre gobierno, stakeholders y agencianan di rating. E mandatario ta expresa su gradicimento na representantenan di Fitch Ratings pa e intercambio profesional y constructivo, y tambe na tur stakeholder local cu un biaha mas a contribui cu nan informacion y perspectiva independiente riba un tema asina esencial manera nos finansa publico.

LUNA DI LOCURA!

CUMpra 2 LOTTO 5 Y HAYA 1 LOTTO 5 LOCO GRATIS

CON PA HUNGA?
CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 LOCO COMPLETAMENTE GRATIS. MAS BO CUMpra, MAS TICKET LOCO GRATIS BO LO RICIBI!

PROMOCION TA VALIDO DESDE 1 DI MAART TE CU 31 DI MAART

www.lottoaruba.com

Facebook, Twitter, YouTube, Instagram icons

LOTTO 5
Cambiando vida.

Mi number ta Eva Wever, y mi ta na bo servicio, pa yudabo Bende, Cumpra of Inverti den Propiedad.

Mi tin varios cliente local buscando cas of propiedad pa cumpra:
Ta busca den O'stad, Madiki, Dakota, Tanki leendert area cas te cu 500mil florin. Cliente tin pre-approval di banco.

Tambe cas of propiedad te cu 800 mil florin- den area di Bubali, Washington, Shaba.

Si abo of bo famia ta kila pa bende awor, please contact mi inmediatamente. Mester Taxatie rapport?, mi por yudabo tambe. Mi ta warda riba bo yamada pa nos bende bo propiedad.

From family homes to investments, contact me to view this exceptional selection currently on the market. Personalized, honest and friendly service guaranteed.

Facebook @evaboldpropertiesaruba for perfect property pairings.

560-0029
Linkedin: Evelin Wever

BOLD PROPERTIES
ARUBA

ewewever@aol.com

Parlamentario Endy Croes:

Castigo maximo pa Hit & Run a subi di 4 pa 8 año

•Cambionan na e ley di coremento irresponsabel

ORANJESTAD (AAN): Siman pasa, Parlamento di Aruba a biba un momento historico caminda e determinacion di Fraccion di MEP a triunfa. Danki na e iniciativa di Parlamentarionan Edgard Vrolijk y Rocco Tjon, awor nos tin leynan cu di berdad ta yuda contra e asina yama “coremento pa loco” (roekeloos rijden) cu ta causa tanto dolor den nos famianan.

Loke tabata e problema: Parlamentario Endy Croes a splica cu pa hopi año, e definicion di “roekeloos rijden” tabata indefini. E ley bieu tabata mara man di Polis y tabata stroba Huesnan pa aplica castigo cu peso ya cu no tabata por a midi kico si y kico no ta roekeloos rijden.

“Danki na e vision di Edgard y Rocco cu desde 2019, nos a bin ta traha riba e trayecto aki pa duna autoridad e hermentnan pa actua contra esnan cu no tin respet pa bida di otro,” Croes a señala.

Loke a cambia awo: E ley nobo ta bini cu pasonan concreto pa caba cu e guerra riba caminda: (*) Artículo 2a (nobo): Claridad total riba kico ta coremento irresponsabel. (*) Artículo 4a (Hit and Run): Esnan cu dal hende core bay, of ranca palo di luz y basha cura di hende abou pa despues desaparece, awor ta bay sinti e man duro di ley.

Castigo Minimo: Pa e delitonan aki, e castigo minimo a subi di 3 luna pa 1 año di prison.

Castigo Maximo: Den e Wetboek van Strafrecht, e pena maximo a wordo redobla: di 4 año pa 8 año pa e delitonan mas severo.

Un punto cu Croes a resalta ta cu e ley aki a wordo aproba unanimamente. “Hasta e Parlamentarionan di AVP y Futuro a sinti e obligacion di para banda di MEP,” Croes a bisa. “Nan no por a haci



nada otro sino vota na favor di e bon trabao di nos coleganan. Esaki ta e diferencia: mientras otro nan ta papia, MEP ta actua y ta cambia ley pa beneficia henter pueblo!”

Awor tin di bay pa ‘handhaving’ di e ley! Endy Croes a manda un mensa-

he cla pa e Gobierno actual: “Parlamento a cumpli, awor ta boso turno.” El a exige pa e gobierno actual percura pa tin e “handhaving” necesario riba caya y pa cuminsa cu campanan di consentisacion den scolnan mesora.

Terminando, Endy a

manda un palabra di pa-bien un biaha mas na su coleganan: “Pabien Edgard y Rocco! Na e ciudadano cu ta sinti miedo riba caminda: ban asumi nos resposanbilidad, ban trankilo riba caminda y si bo faya riba caya, corda bo ta haya!”

Martha Semil a wordo hala for di su funcion oficialmente como director interino di Curaçaohuis

ORANJESTAD (AAN): E director interino di Curaçaohuis na Den Haag, señora Martha Semil a wordo hala for di su funcion oficialmente entrante dialuna 2 di maart. Un paso cu ta marca un momento importante y un otro klap den e turbulencia cu a surgi den e oficina di representacion di Gobierno di Corsou na Den Haag.

Segun informacionnan publica, e decision pa tuma e paso aki ta bin despues di un periodo di tension interno, diferencianan administrativo y preocupacionnan serio tocante maneho y gobernacion den e institucion na Hulanda. Ta reporta cu e situacion a escala te na un punto caminda confiansa den e liderazgo no tabata garantis. Problem-



anan relaciona cu comunicacion interno, proceso administrativo y estabilidad operacional a contribui na e decision di pone fin na su funcion y a prohibie entrada den Curaçaohuis.

Den un carta oficial fecha 1 di maart, dirigi na señora Semil, Prome Minister Gilmar Pisas a indica cu Gobierno tin e responsabilidad di proteha integridad, reputacion y bon funcionamiento di Curaçaohuis como representacion oficial di Corsou den Reino Hulandes. El a declara cu e medida a wordo tuma den interes pa restablece orden, transparencia y gobernacion efectivo.

Den su carta, Prome Minister Pisas tambe a enfatisa

e importancia di respetar proceduranan administrativo y di garantis cu e institucion ta opera di acuerdo cu interes nacional y normanan di bon gobernacion. Tambe Prome Minister pidi pa señora Semil entrega entre otro tur yabi cu tin di haber cu Curaçaohuis y tur passwords di email di trabou.

E decision pa baha e director interino for di su puesto a genera debate tanto politico como den comunidad, considerando cu Curaçaohuis ta hunga un rol crucial den maneho di asuntonan gubernamental, diplomatico y administrativo di Corsou na Hulanda.

Area di Westpunt

Eva tin un cas fenomenal na benta na Tibushi



ORANJESTAD (AAN): Den un entrevista cu Eva Wever, kende ta ofrece servicio fenomenal pa yuda benede, cumpra y inverti den propiedad, el a mostra cu e tin un coleccion unico di propiedad na benta.

Eva di Bold Properties, tin na benta casnan di famia y tambe edificionan ideal pa inverti cu nan.

Tibushi 36 na Westpunt, e tin un cas di 173 meter cuadra, riba un tereno di 451 meter cuadra. E cas ta wordo bendi completamente muebla, y tin papeleo up-to-date pa cu e cas.

E cas aki tin 21 panel solar riba dje, tin un cura completamente cera rond di dje, hasta un

Mas patras e tin un washok cu closet, full aire acondiciona tambe. Ademas e persona cu cumpra e cas aki, lo haya un auto 2016 Nissan Leaf electrico.

Riba e potret por mira e espacio amplio cu e cas aki na Tibushi ta ofrece.

Pa mas informacion por yam’e na 560-0029 of via email na: ewewever@aol.com pa mas detaye y splicacion.

Local buscando cas of propiedad pa cumpra:

Ta busca den O’stad, Madiki, Dakota, Tanki leendert area cas te cu 500mil florin. Tin pre-approval di banco.

!! Tambe cas of propiedad te cu 800 mil florin- den area di Bubali, Washington, Shaba.

Mester Taxatie rapport ? Ami por yudabo tambe. Mi ta warda bo yamada pa nos benede bo propiedad.

Contact Eva

560-0029 ewewever@aol.com
LinkedIn: Evelin Wever



Area di Paradera y Babijn bay pariba ta Diahuebs pa 7 ora y mey largo sin coriente

ORANJESTAD (AAN): Trabaonan grandi lo wordo haci pa mantene waya y kabelnan di coriente den distrito di Paradera. Esaki lo socede Diahuebs den dia, y pa sigui garantiza suministro di electricidad, e

compania NV Elmar ta haciendo e trabao di mantenimiento.

Durante e trabou, ta necesario pa desconecta temporalmente e coriente pa garantiza seguridad tanto pa NV Elmar su techniconan como es-

nan den e area.

Esaki lo socede Diahuebs 5 di Maart 2026, for di 8:30 am te cu 4:00 pm.

Barionan cu algun cas lo wordo afecta ta Babijn, Bloemond, Cristal, Koeriboeri, Marawiel,



Matividiri, Paradera, Roncado, y Rooi Pri-kichi.

Esaki ta e casnan afecta: Adresnan na Paradera 49, 51, 51-B, 53, 55, 61-B, 63, 63-A, 65, 65-B, 65-C, 65-D, 65-E, 65-F, 65-H, 65-I, 65-J, 65-K, 65-Q, 65-R, 65-S, 65-T, 65-U, 65-V, 65-W, 65-X, 65-Y, 65-Z, 67, 67-A, 67-D, 69-A, 69-B, 71, 75, 75-A, 75-B, 75-C, 75-E, 75-F, 75-G, 77, 77-A, y 79.

Adresnan na Koeriboeri 1, 1-B, 1-C, 2, 2-B, 2-C, 3-G, 3-H, 3-I, 3-K, 3-L, 3-M, 4, 5, 5-C, 6, 7, 7-B, 7-C, 8, 8-B, 8-C, 8-D, 8-E, 8-F, 8-H, 8-I, 8-K, 8-M, 8-Q, 8-U, 8-X, 9, 9-B, 10, 11-B, y 12.

Adresnan na Marawiel 1, 1-B, 1-E, 2, 3, 4, 4-G, 6, 6-D, 7, 9, 11, 11-B, 11-C, 11-D, 11-E, 13, 13-A, 15, 17, 17-A, 17-B, 17-D, 19-C, 19-D, 21, 21-A, 21-B, 21-C, 21-D, 21-E, 21-F, 21-G, y 21-H.

Adresnan na Roncado 1, 2, 5, 6, 7, 8, 8-B, 8-C, 8-D, 8-E, 8-F, 8-G, 8-H, 10, 12, 12-B, 13, 102, y 136.

Adresnan na Rooi Pri-kichi 1, 1-B, 1-C, 1-D, 2, 3, 4, 5, 7, 8-C, 9, 10, 10-B, 11, 12, 13, 14, 15, 16, 16-B, y 25.

Tambe tin Paradera 81, 81-B, 81-C, 81-D, 83, 83-A, 83-B, 83-C, 83-E, 83-G, 83-H, 83-K, 83-L, 83-O, 83-P, 83-Q, 83-R, 83-S, 83-T, 83-U, 83-V, 83-W, 83-X, 83-Y, 83-Z, 89-D, 89-E, 93, 93-A, 93-B, 95, 97, 97-B, 99, 99-A, 99-B, 99-C, 99-D, 101, 101-A, 101-B, 101-C, 103, 103-A, 103-B, 103-C, 103-D, 103-E, 103-F, 103-G, 103-M, 105, 105-B, 107-A, 107-B, 107-D, 107-E, y 107-F.

Adresnan na Babijn 1, 3, 5, 7, 12, 21-D, 21-E, 21-F, 21-G, 21-H, 21-I, 21-J, 21-K, 21-M, 23, 24, 32, 34-A, 34-B, 34-C, 34-D, 34-F, 36, 38, 38-B, 38-G, 38-H,

Adresnan na Paradera 49, 51, 51-B, 53, 55, 61-B, 63, 63-A, 65, 65-B, 65-C, 65-D, 65-E, 65-F, 65-H, 65-I, 65-J, 65-K, 65-Q, 65-R, 65-S, 65-T, 65-U, 65-V, 65-W, 65-X, 65-Y, 65-Z, 67, 67-A, 67-D, 69-A, 69-B, 71, 75, 75-A, 75-B, 75-C, 75-E, 75-F, 75-G, 77, 77-A, y 79.

Adresnan na Koeriboeri 1, 1-B, 1-C, 2, 2-B, 2-C, 3-G, 3-H, 3-I, 3-K, 3-L, 3-M, 4, 5, 5-C, 6, 7, 7-B, 7-C, 8, 8-B, 8-C, 8-D, 8-E, 8-F, 8-H, 8-I, 8-K, 8-M, 8-Q, 8-U, 8-X, 9, 9-B, 10, 11-B, y 12.

Adresnan na Marawiel 1, 1-B, 1-E, 2, 3, 4, 4-G, 6, 6-D, 7, 9, 11, 11-B, 11-C, 11-D, 11-E, 13, 13-A, 15, 17, 17-A, 17-B, 17-D, 19-C, 19-D, 21, 21-A, 21-B, 21-C, 21-D, 21-E, 21-F, 21-G, y 21-H.

Adresnan na Roncado 1, 2, 5, 6, 7, 8, 8-B, 8-C, 8-D, 8-E, 8-F, 8-G, 8-H, 10, 12, 12-B, 13, 102, y 136.

Adresnan na Rooi Pri-kichi 1, 1-B, 1-C, 1-D, 2, 3, 4, 5, 7, 8-C, 9, 10, 10-B, 11, 12, 13, 14, 15, 16, 16-B, y 25.

Tambe adresnan na Cristal 1, 2, 3, 5, 6, 6-D, y 11-D. Dos cas na Matividiri 25-A y 25-D, y finalmente un cas na Bloemond 6-F.



Corte ta informa edicion: Bou Curatela

Kico kiermen bou curatela?

Curatela ta un forma di proteha un persona cu, pa motibonan fisico of mental, of door di adiccion na alcohol of droga, na por ocupa su mes adecuadamente cu su asuntonan economico, cu su bienes y cu su asuntonan personal. E hues ta nombra un curator cu ta keda encarga di haci esaki pa e persona den cuestion. Un persona bou curatela ta huridicamente incapacita. Por ehempel, e mes no por firma contractnan ni eherce autoridad riba yiu. E hues ta decreta e curatela unicamente ora cu e forman di proteccion mas leve ((administracion (unicamente pa asuntonan economico), mentoría (unicamente pa asuntonan personal) (of un combinacion di ambos)) ta insuficiente.

Ken por solicita pa e hues declare bou curatela?

- E propio persona den cuestion mes;
- E pareha di e persona den cuestion;
- E Laso familiar di e persona den cuestion te hasta di cuater grado. Ta trata pues di mayornan, abuelonan, yiunan, nietonan, rumannan, omonan, tantanan, primo y primanan;
- E voogd;
- Ministerio Publico.

Con ami por solicita na hues pa dicta un orden bou curatela?

Pa esaki mester skirbi un carta pa e hues (un solicitud) cu e siguiente datonan:

1. Datonan di contacto (number, adres, number di telefono y e-mail) di:
 - a. E persona cu ta haci e solicitud;
 - b. E persona den cuestion;
 - c. E pareha y e yiunan di e persona den cuestion of, si no tin esakinan: e mayornan y rumannan (interesadonan).

2. Un descripcion claramente di e solicitud y e motibonan di esaki.

Y adhunto na e carta:

3. Un declaracion, preferiblemente di un medico, tocante e estado di e persona den cuestion y si e persona den cuestion ta capabel di ocupa su mes cu su asuntonan economico, cu su bienes y cu su asuntonan personal (si e persona den cuestion ta «den pleno uzo di su facultad mental»);
4. Un extracto di registro civil (uittreksel van bevolgingsregister) di e persona cu ta haci e solicitud, di e persona den cuestion pa cua ta haci e solicitud y di e interesadonan.
5. Un copia di e carta y e anexonan para e persona den cuestion y interesadonan.

Si e hues ricibi tur cos segun regla, e por planea un tratamiento di e caso (un zitting). Pa esaki, ta invita e solicitante, e persona den cuestion y e interesadonan. E hues ta interesa di sa nan opinion tocante e solicitud di e curatela.

Directie Natuur en Milieu ta conmemora

Diamars a observa dia mundial di Bida di Bestia y Mata Salvahe 2026



ORANJESTAD (AAN): Riba Diamars, Aruba y mundo a celebra Dia Mundial di bida di bestia y mata salvahe y na Ingles yama “World Wildlife Day” (WWD). E añña aki, Nacionnan Uni a dedica e dia aki na e rol fundamental cu mata medicinal y aromático tin den nos bida diario, bou di e tema: “Mata Medicinal y Aromatico: ta conserva salud, herencia y sobrevivencia”.

Desde cu Asamblea General di Nacionnan Uni a proclama e fecha aki na 2013, 3 di maart a bira un evento anual di mas grandi dedica na bida salvahe di mata y bestia. E fecha ta recorda e firmamento di e convenio di CITES (Convention on International Trade in Endangered Species of Wild Fauna and Flora), di cual Aruba tambe ta forma parti di esaki, cu e meta pa percura cu comercio internacional di especie salvahe no ta forma un menasa pa nan sobrevivencia.

E balor di nos flora local: Directie Natuur en Milieu (DNM) ta enfatisa cu tin mata protegi acuerdo nos leyman local vigente, cu nos antepasadonan a uza como base di medicina casero. Na Aruba, e uzo di mata pa remedi casero ta forma parti di nos herencia cultural. Pero e matanan aki no ta solamente base di hopi remedi pero nan ta importante pa e ecosistema di flora y fauna.

Segun datonan global, rond di 70% pa 95% di e poblacion den paisnan den desaroyo ta depende di medicina tradicional. Esaki ta inclui matanan manera e Aloë, orkidia y hopi otro sorto cu ta crece den naturalesa.

Balor economico y cultural cu ta mara na mata medicinal ta: (*) Salud: Hopi componente activo den remedi moderno ta bin directamente for di fuentenan natural. (*) Sobrevivencia: Un den cada cinco persona rond mundo ta depende di mata pa nan alimentacion y entrada. (*) Ecosistema: tin di e matanan aki ta crucial pa polinizacion manera e trabao cu parhanan, abeha, raton di anochi y barbulet ta haci.

Menaza y Conservacion: DNM ta informa cu globalmente mas cu 20% di e especienan di mata medicinal ta na peliger di extincion riba e “IUCN Red List”. Factornan manera destruccion di habitat y cambio di clima ta e menaza principal.

Pa 2026, e enfoka ta pa percura pa uzo sostenibel di e recursonan aki, respetando e conocimiento tradicional y protehendo e biodiversidad pa futuro generacion. Esaki ta cuadra cu e metanan di e Kunming-Montreal Global Biodiversity Framework pa proteha bida salvahe contra comercio ilegal y degradacion di habitat.

Yamada na comunidad: Dia Mundial di Bida di Bestia y Mata Salvahe ta un momento pa nos tur para keto y aprecia e bunitesa di nos naturalesa. Directie Natuur en Milieu ta invita comunidad di Aruba pa siña mas di nos flora y fauna local y pa contribui na nan proteccion. Y pa loke ta trata e sorto di mata invasivo Neem, por sigui kita nan y traha remedi casero y otro uzo manera pesticida natural tambe.

“Nos bida ta mara na naturalesa. Door di cuida nos mata y bestianan salvahe, nos ta cuida nos propio salud, herencia y futuro.”

Bestaansminimum na Januari 2026 a cay cu 8 Florin

Tabel 1 Bestaansminimum mensual na Aruba (na Afl.) pa sector pa un famia consistiendo di 2 adulto y 2 mucha (edad 0-14)

Januari 2025 - Januari 2026			Cambio
Sector	Jan-25	Jan-26	Absoluto
Cuminda y bebida no-alcoholico	2,311	2,356	45
Paña y sapato	229	216	-13
Vivienda	1,640	1,660	20
Mobilario	115	114	-1
Salud	87	86	-1
Transporte	324	316	-8
Comunicacion	171	175	4
Recreacion y cultura	155	151	-4
Educacion	97	99	2
Restante bienes y servicio	350	358	8
Total	5,480	5,529	49

Source: Central Bureau of Statistics Aruba

ORANJESTAD (AAN): E bestaansminimum ta e nivel minimo di entrada cual ta wordo percibi cu ta necesario pa logra mantene un nivel di bida adecuado den un cierto pais. Usualmente e bestaansminimum ta wordo determina door di calcula e gasto di tur e recursonan esencial cu un adulto ta consumi den un luna of aña.

Generalmente esaki ta wordo yama un indice basico di necesidad, y e ta varia segun e prijs di cuminda, paña, vivienda, transporte y otro articulonnan den e “canasta”. Escalanan di ekivalencia ta wordo usa pa ahusta e nivel minimo di entrada percibi pa hogarnan di diferente tamaño y composicion. E escala ta asigna un peso di 1.0 pa e prome adulto y 0.5 pa cada adulto adicional den e hogar (edad 15+) y un peso di 0.3 pa cada mucha (edad 0-14).

E bestaansminimum ta basa riba cifranan di e rapport “Bestaansminimum 2010” y ta wordo actualisa mensualmente pa cu inflacion usando e CPI mensual. E unidad di referencia den e rapport aki ta di un hogar cu ta consisti di 2 adulto y dos mucha (edad 0-14).

E bestaansminimum pa

un hogar consistiendo di 2 adulto y dos mucha (edad 0-14) na Januari 2026 ta Afl. 5,529, un caida di 8 Florin compara cu December 2025 (Afl. 5,537). E bestaansminimum pa un hogar di un (1) adulto ta Afl. 2,633, un caida di Afl. 3 compara cu December 2025 (Afl. 2,636).

Na Januari 2026 e bestaansminimum mensual pa un hogar cu ta consisti di 2 adulto y dos mucha (edad 0-14) (Afl. 5,529) ta muestra un subida di Afl. 49 compara cu Januari 2025 (Afl. 5,480) y a wordo causa principalmente door di subidanan di Afl. 45 y Afl. 20 den e sectornan di “Cuminda y bebida no-alcoholico” y “Vivienda”. E caida mas grandi na Januari 2026 a wordo registra den e sector di “Paña y sapato” (Afl. -13).

Na Januari 2026 e bestaansminimum mensual pa un hogar cu ta consisti di un solo adulto ta Afl. 2,633, cual ta representa un deficit di entrada di Afl. 626, un subida di Afl. 3 compara cu e deficit observa un aña pasa (Afl. 623). E deficit aki ta e dos mas halto registra den un periodo di 6 aña pa luna di Januari.

Segun Edsel Figaroa, Presidente di TOPA:

E situacion a bay for di man y KIA ta un “time bomb!”



ORANJESTAD (AAN)--Presidente di Sindicato TOPA, Edsel Figaroa, a menciona den entrevista cu Matutino Diario, cu e director di KIA ta haciendo tur su esfuerso pa bin cu un klas nobo pa e Bewaardernan. “Es mas, mi por a compromete cu tabata tin un klas cu KIA mester a cuminsa cu ne, pero na cierto momento el a wordo hala un banda, y a duna preferencia na KPA.

Mi no ta duda cu polis tambe tin mester di personal, pero e situacion alarmante awo, ta KIA. Mi kier pensa ni menciona kico lo sosode si algo mester pasa eyden, pa falta di trahado”, Figaroa a indica.

El a expresa cu e situacion a bay hopi for di man y cu KIA ta un “time bomb!”

“Pa mi bisa, e edificio ora mi drenta eynan, y mi ta mira con e structura ta, (e tabata traha na DOW) y ora mi ta wak e murayanan, mi ta reza pa nada no pasa eyden”, Edsel Figaroa a subraya.

El a expresa cu e tin hopi aprecio cu e trahadornan, cu ta traha den e situacion cu tin eynan y nan ta bin trabao.

“Ami nunca a haci trabao di warda, pero trabao di warda den un edificio asina ta hopi mas erg”, Figaroa a remarca.

El a reitera cu mester bin un solucion urgente, pa-

sobra nan tur ta trahando demasiado ora. Y no por reforza e falta di trahado na KIA cu hende di otro departamentonan, pasobra Bewaarder ta un opleiding special, unda nan ta wordo prepara pa atende cu presonan directamente, y esey no tin hende cu por hacie. Nan no ta Beveiliging. Kizas nan por yuda, pero esey ta otro opleiding apart. Pero por pasa si, si un situacion ta presenta di emergencia, mi ta kere polis, CEA, mariniers kazerne, lo por duna un man, pero mi ta spera e situacion no yega di leu ey”, e lider sindical a señala. Awo e ta wardando e señal cu e trahadornan di KIA dun’e. “Por ta nos por manda un carta ainda, duna dos biaha 24 ora pa sinta, y despues si nan por tuma e paso cu nan a bisa mi cu nan kier tuma”, Edsel Figaroa, Presidente di TOPA a reitera.

Bureau Integriteit Aruba ta fundamental den promove integridad den departamento publico

ORANJESTAD (AAN): Integridad por fortifica of kibra confianza den gobierno. Pa esaki, Bureau Integriteit Aruba (BIA) tin un rol fundamental den promove y salvaguardia integridad den departamentonan di gobierno di Aruba.

BIA ta un departamento di gobierno y e unico organizacion publico cu ta dedica especificamente na e tema di integridad den gobierno. E team ta consisti di cinco empleado: un hefe, un investigador, dos empleado di maneho y un asistente.

Den un contexto internacional unda preocupacion riba corrupcion y su impacto riba estabilidad y siguridad di sociedad a resulta den e Convencion di Nacionnan Uni contra Corupcion riba 31 october 2003, gobierno di Aruba a tuma varios medida pa combati corrupcion. Den e cuadro aki, a establece BIA. E tareanan principal di BIA ta entre otro formula y asesora riba maneho di integridad, y prevencion, ofrece entrenamento y informacion pa empleadonan publico y fungi como punto di notificacion pa sospecho di kiebro di in-



tegridad.

Actualmente BIA ta traha riba diferente proyecto importante. Un di nan ta e Codigo di Conducta Integridad pa Empleado Publico, un proyecto conhunto cu Departamento di Recurso Humano (DRH). E codigo lo brinda guia y proteccion pa empleadonan publico pa reconoce riesgo y fortalece nan resistencia contra situacionnan delicado.

BIA tambe ta coordina e red di Vertrouwenspersonen Integridad Land Aruba, un punto di contacto confidencial y independiente unda empleadonan publico por reporta sospecho di violacion di integridad. Ademá, BIA ta ofrece entrenamento, modulo di integridad y sesion di

informacion na diferente servicio publico, y anualmente ta organiza reunionnan cu hefenan di servicio riba integridad y liderazgo etico. Como punto di notificacion oficial, tur persona, tanto empleado publico como ciudadano por haci un notificacion di un sospechoso di kiebro di integridad cu a tuma luga na un departamento di gobierno. E sospechoso mester ta basa riba echo concreto y no simplemente riba rumor. Por haci un notificacion via e website www.bia.aw of na e departamento concerni. Ademá por pasa na oficina di BIA situa na L.G. Smith Boulevard 20, na unda antes tabata oficina di Notario Yarzagaray, den mesun edificio unda LAR ta ubica.

Aruba ta fortalece conexion aereo na Routes Americas 2026 na Rio de Janeiro



ORANJESTAD (AAN): E team di Aviation Business Development di Aruba Airport Authority N.V. (AAA) conhuntamente cu Aruba Tourism Authority (A.T.A.), ta representando Aruba e siman aki na Routes Americas 2026 na Rio de Janeiro, e evento lider den desaroyo di servicio aereo di e region.

Cu mas di 20 reunion programa cu e aerolineanan y partnernan clave den e industria, e delegacion ta enfoca riba desaroyo di red y identifica oportunidadnan strategico di crecimiento pa sigui fortalece e conectividad global di Aruba. Entre e aerolineanan nobo confirma pa reunion, cu actualmente no ta opera pa Aruba tin; Air France-KLM, Breeze Airways, Alaska Airlines, JetSMART y Condor, ademá di otro partnernan existente cu ta di gran balor pa Aruba.

Den un logro significativo, Aruba Airport Authority unbes mas ta nomina pa e Routes Americas Awards den e categoria “Airport Under 5 Million Passengers”. Lo anuncia e ganado diaranson anochi durante un evento oficial na Copacabana Palace.

Bou di e categoria “Airport Under 5 Million Passengers”, a reconoce Aeropuerto Internacional Reina Beatrix (AUA) pa a yega na un record di 28 partner di aerolinea durante e ultimo aña, sosteni pa factornan di caraverahe fuerte di 90 por ciento. AUA Airport a introduci un programa di sosten incentivo y mercadeo nobo desaroja y a fortalece conectividad regional pa medio di campananan dirigi cu e partnernan Latino Americano, incluyendo LATAM Airlines, GOL Linhas Aéreas, Wingo y Aerolíneas Argentinas.


Pa aña 2026, Aruba tin planea pa firma su prome acuerdo di cooperacion cu un compania di aviacion despues di tres aña di desaroyo di plataforma di media dirigi.

Representando Aruba na Routes Americas 2026 ta JoAnne Arends, Aviation Business Development Executive; Mary-Joan Wardlaw, Aviation Business Development Manager; Sjeidy Feliciano, Area Director North America y Jordan Schlipken Croes, Area Director Aruba Tourism Authority pa e region di Latino America.

Pa medio di compromiso activo na Routes Americas, Aruba ta sigui posiciona su mes como un partner di aviacion strategico, di rendimiento halto y colaborativo den e region.

Relato di Oficina Central di Estadistica

Indice di Prijs di Consumo a cay un tiki na Januari 2026



ORANJESTAD (AAN): E siman aki, Oficina Central di Estadistica (CBS) a emiti nan rapport encuan to e indice CPI pa luna di Januari 2026.

Nan ta indica cu e Indice di Prijs di Consumo (CPI) pa luna di Januari 2026 ta 109.19, loke ta representa un caida di 0.3% compara cu e indice di December 2025 (109.47). E cambio di e CPI pa e ultimo diesdos (12) lunanan (Januari 2025 te cu Januari 2026) ta 0.5%, un subida di 0.2 punto di porcentahe (ppt) compara cu e periodo corespondiente di aña pasa (0.3%). E promedio anual (ultimo 24 luna) di e tasa di inflacion pa e periodonan di Januari 2024 te cu Januari 2025 y Januari 2025 te cu Januari 2026 ta 0.1%, un caida di 1.5 ppt compara cu e 1.6% registra den e periodonan di Januari 2023 te cu Januari 2024 y Januari 2024 te cu Januari 2025.

Durante e luna aki, 5 di e diesdos sectornan a registra caida di prijs. E caidan cu tabata tin e mayor efecto riba e CPI a wordo registra pa e sectornan di “Transporte” (-3.0%), “Paña y sapato” (-6.1%) y “Recreacion y cultura” (-1.5%), causando un efecto di respectivamente, -0.39, -0.13 y -0.13 ppt.

E caidan den e sectornan restante a contribui cu un efecto di -0.07 ppt riba e CPI di Januari 2026. E caidan aki a wordo contraresta parcialmente door di principalmente un subida den e Indice di e sector di “Mobilario” (3.2%) cu a contribui cu un efecto di 0.26 ppt riba e CPI di Januari 2026. E subida den e sectornan restante a contribui cu un efecto di 0.20 ppt riba e CPI di Januari 2026.

E caida den e sector di “Transporte” a wordo causa principalmente door di un caida di 3.3% den e categoria “Gasto relaciona cu uso di vehiculo

di transporte personal”, causando un efecto di -0.26 ppt. E caida den e sector di “Paña y sapato” a wordo causa principalmente door di un caida den e categoria “Paña” (-5.4%), causando un efecto di -0.09 ppt.

E caida den e sector di “Recreacion y cultura” a wordo causa principalmente door di caidan di 3.4% y 2.3% den e categorianan “Vacacion” y “Otro articulo y ekipo pa recreacion, hardin y animal domestico”, causando un efecto di respectivamente, -0.07 y -0.06 ppt. E subida den e sector di “Mobilario” a wordo causa principalmente door di subidan di 7.9% y 17.2% den e categorianan “Aparato pa uso domestico” y “Herment y ekipo pa cas y hardin” (17.2%), causando un efecto di respectivamente, 0.16 y 0.13 ppt.

Canasta di consumo: E asina yama canasta di consumo di e CPI ta consisti di 408 bienes y servicionan. Compara cu December 2025, 48.0% di e bienes y servicionan aki a conoce un aumento di prijs causando un efecto di 0.74 ppt, mientras cu 36.5% ta muestra un caida di prijs, cu a contribui cu un efecto di -0.99 ppt y pa e restante 15.4% no tabata tin cambio den prijs. Compara cu December 2025, prijsnan di bienes (-0.1%) y serviconan (-0.4%) a conoce caida y a causa un efecto di respectivamente, -0.07 y -0.18 ppt riba e CPI di Januari 2026.

Core inflation: E CPIC (core inflation) - CPI excluyendo e efecto di energia y cuminda - a registra na Januari 2026 un subida di 1.0%. E indice di energia - cu ta consisti di e productonan: electricidad, awa, gasolin y diesel - a registra un caida di 3.9%. E indice di cuminda a registra un subida di 0.4%.

DIARIO

Hubentud den movecion
pa Mercedes Monge

Reflexion, Hesus Biña Nobo:

Tuma e decision pa kere den e berdad di e Palabra di Dios



Nos ta bibando temponan dificil awendia. Cada dia e mundo ta bin cu un trend nobo, presion pa fit in, y creencianan cu ta bay contra di e palabra di Dios. Awendia hopi hende ta biba guia pa un trend, y no pa e berdad.

Aworaki hasta tin hendenan cu ta bisa cu nan ta bestia, of cu ta sinti identifica cu esaki.

Kico e palabra di Dios ta bisa di esaki?

Genesis 1:27

27.1 Dios a crea hende segun Su mes imagen; segun e imagen di Dios El a crea hende; homber y muhe El a crea nan.

E berdad ta cu nos ta crea na E imagen di Dios. No na e imagen di un bestia.

Pesey, nos mester basa nos identidad den e berdad aki, y no den trends di mundo.

Y nos mester sa tambe cu hasta sentimentonan tin biaha por sinti real, pero esey no kiermen cu esey ta e berdad.

Dios a crea nos cu un proposito maravioso, pero diabel kier aparta nos di e diseño aki door di trece mas y mas mentira cada dia den nos mente.

Pesey, tuma e decision pa kere e berdad di e palabra di Dios y no e trendnan di e mundo aki..

Bo ta cla pe?

-MVMNT YOUTH MINISTRY

San Nicolas tambe ta parti di nos isla

Celebracion nacional 18 di Maart pa muestra cu nos tur ta Aruba



ORANJESTAD (AAN): E decision pa celebra e actividadnan cultural di 18 di Maart e aña aki na San Nicolas, ta ricibi cu entusiasmo positivo pa diferente ciudadano den nos comunidad. Pa hopi residente di Pariba di Brug, e escogencia aki ta simbolisa union, participacion y un reconocimiento di San Nicolas como parti integral di identidad nacional.

Dia 18 di Maart, Dia di Himno y Bandera, semper ta un momento di orguyo pa henter Aruba. E celebracion e aña aki concentra na San Nicolas, ta amplia e alcance di e conmemoracion, integrando arte, cultura y comunidad den un solo espacio.

Ciudadano a expresa: “Tur cos no por ta pabou so. San Nicolas tambe ta parti di Aruba. Duna San Nicolas e oportunidad pa celebra 18 di Maart, ta haci nos sinti plenamente parti di e isla.”

Segun diferente reaccion, e celebracion na San Nicolas no ta cambia e esencia di e fiesta nacional, pero al contrario, e ta expande e sentimiento di cultura y hospitalidad.

“Si nos kier mira diferencia, nos mester comparti nos cultura. Trece e celebracion akinan cu actividadnan manera mural, canto y proclamacionta ta actividadnan hopi positivo. Asina nos ta combina arte cu Dia di Bandera.”

E celebracion tambe ta forma parti di un vision mas amplio pa revitalisa di area urbano di San Nicolas, specialmente riba Bernardstraat. Pa hopi habitante, esaki ta un paso concreto den un proceso mas grandi.

“Esaki ta un comienso di algo grandi. Nos kier rebiba San Nicolas, y con mihor cu haci esaki hunto cu un celebracion nacional manera 18 di Maart.”

Den diferente entrevista a enfatisa cu e mensahe principal ta union. “No ta pabou di brug of pariba di brug. Nos tur ta Aruba. Unda nos ta celebrando, nos ta celebrando Aruba hunto.”

E decision pa tene e celebracion na Aruba Carnival & Entertainment Village na San Nicolas, un espacio amplio y adecua pa actividadnan cultural, mira como un paso cu ta reenforza inclusividad y orguyo comparti.

Pa comunidad, e celebracion di 18 di Maart e aña aki na San Nicolas, no ta solamente un evento, pero un simbolo di union nacional y un invitacion pa tur area di Aruba participa den e mesun sentimiento di identidad. “Unda nos ta, nos ta celebrando Aruba. Y esaki ta loke ta mas importante.”

Steffano a gana 50 mil danki na numbernan vast di Zodiac



ORANJESTAD (AAN): E trend ta siguiendo den luna di Maart tambe. Recien Steffano a pasa cumpra su numbernan vast di basta tempo caba, pa sorteo di Zodiac. Y el a bin nota cu e numbernan a sali, pues el a bira contento.

Riba Dialuna el a presenta na oficina di Lotto pa reclama su premio. Aki e funcionaria a revisa su ticket pa check si el a pone su firma y tambe numbernan di banco riba e ticket. Ora di scan e barcode, e computer di Lotto a confirma cu Steffano a gana 50.000 Florin cu e sorteo di Zodiac.

Mesora a sigui cu e proceso pa transferi e premio electronicamente pa su cuenta di banco. E ticket ganador mes Steffano a cumpra na Sunshine Lottery.

Fundacion cu ofrenda floral na Plaza Juan Pablo Duarte

ORANJESTAD (AAN): Recientemente riba e gran celebracion di Dia di Independencia di Republica Dominicana, e organizacion local di Fundacion Dominicana Arubanse Juan Pablo Duarte hunto cu Instituto Duarteano Filial Aruba, a presenta pa un momento special na e cruzada di Van Leeuwenhoekstraat y Caya Ing. Roland Lacle, na e bunita Plaza Juan Pablo Duarte.

Esaki pa asina nan muestra e balor di e fecha, y pone un ofrenda floral pa conmemora e dia importante aki pa tur Dominicano.

Durante e actividad di honor aki, a mira cu tabatin algun invitado special, manera e Junta di Bombero di San Nicolas, miembronan di e Fundacion, y algun partido politico.

Despues di e ofrenda floral, nan a acudi na e oficina di Fundacion pa asina asisti na un brindis.



Edmira Christiaans di Grupo Scout Ora Ubao Aruba:

Na un manera dibertido y special, scoutnan a pasa over pa e siguiente grupo


O R A N J E S T A D (AAN): Grupo Scout Ora Ubao Aruba ta para firme riba e principionan fundamental di Scouting: forma hoben cu caracter, responsabilidad y cu boluntad pa brinda servicio na comunidad. Mision di Grupo Scout Ora Ubao ta pa desaroya lidernan cu integridad, disciplina y amor pa comunidad. Nan vision ta pa crea ciudadanonan consciente, fuerte y comprometido cu un futuro miho pa Aruba.

Despues di un algun siman di break, diasabra 28 di februari a tuma luga e prome encuentro di Grupo Scout Ora Ubao. Esaki tabata un encuentro unico cu a tuma luga na Mangel Halto na unda cu tabata tin e 'Overzwemmen, Overvliegen y Overstappen' di e scouts.

Den entrevista cu DIARIO, Lider di Scout señora Edmira Christiaans a splica cu e Bevernan di mas grandi a pasa pa e grupo di Welp, (Horde), e Welpnan di mas grandi a pasa over pa Verkenners y e Verkennerman di mas grandi a pasa over pa e Grupo Explorers.


E cambio pa grupo a bay den un manera hopi dibertido y special pa e muchanan. E scoutnan mester a pasa den diferente obstaculo cu tawata mara na e area di crecimiento di cada mucha.

Esaki, señora Christiaans a remarca, ta e manera pa yama bonbini na e muchanan cu a bay un stap mas den



e siguiente grupo di scout.

Señora Christiaans a expresa cu Grupo Scout Ora Ubao Aruba ta sigui traha den e area di crecimiento di e muchanan y ta sigui comprometi na inverti den nos muchanan y hobennan como e lidernan di mañan. Invitacion ta bay



na mayornan, voluntarionan y comunidad en general pa sostene e mision di Scouting. Hunto nos por forma caracter, stimula liderazgo y crea un generacion cu ta sirbi cu orguyo, disciplina y dedicacion.

Grupo Scout Ora Ubao tin diferente seccion segun edad entre 2 pa 21 año.

Na mayornan cu ta desea pa nan yiunan bira miembro di Grupo Scout Ora Ubao, por contacta nan via nan pagina di Facebook.

Un trahador servicial cu pasion pa su trabao

John Ras ta empleado di luna di Februari na Hospital di Aruba



ORANJESTAD (AAN): E trahador John Ras no a spera na ningun momento cu tabatin un sorpresa ta ward'e na momento cu el a drenta e departamento di rehabilitacion. Tabata hopi dificil pa wanta e sorpresa aki keto, no solamente paso John ta cana

bay bin cada rato, pero tambe pa decora pues a opta pa cuminsa decora estilo 'himno y bandera' pa hacie festivo.

Na momento cu e John a drenta e espacio e grito di 'surprise' a resona y el a mira su famia, management y diferente colega hunto para. el a compro-



nde mesora cu e celebracion aki ta pa su persona mes a organis'e. Hunta di Directiva y management a hiba palabranan di aprecio pa su trabao cu ta demostra di biaha na tur presente pakico merecidamente e nominacion pa John Ras bira empleado di luna di Februari 2026.

Como asistente di rehabilitacion e ta aporta diariamente ne team di rehabilitacion cu gran compromiso. E ta contribui activamente pa un bon resultado di e team y tin un bon colaboracion y tambe semper ta habri pa su coleganan. E tin bon conocimiento di e organizacion y ta yuda trece solucion unda cu tin mester. Pashentnan ta contento cune door cu John ta un persona amabel, positivo y ta scucha semper nan situacion. E tin pasenshi y ta motiva su pashentnan pa asina nan pusha nan mes cu na final ta contribui na nan recuperacion. Pues, John semper ta focus riba un bon resultado pa e bienestar di

su pashent. Su empuhe den e parti aki y specialmente pe grupo di pashent cu tin amputacion ta remarcabel.

Ademas, e ta forma parti di e Hulpverlenersteam (HVT) di HOH cu un actitud semper proactivo y ta duna hopi di su tempo y dedicacion. John sa con pa maneha diferente situacion y a demostra esaki varios biaha caba den momento di stress of calamidad.

Cu su experiencia, dedicacion y e tremendo trato na su pashentnan e ta un colega ehemplar den team di rehabilitacion. Un colega profesional cu no ta duda pa yuda unda cu e por. E no ta para keto y ta dedica na su trabao, su pashentnan, su team y HOH den su totalidad. Siguramente el a demostra di merece e bunita titulo di ta empleado di luna. Hunta di directiva y team completo di HOH ta felicita John pa su reconocimiento como empleado di luna di februari 2026. Masha pabien John.



Aruba na caminda pa celebracion di 50 aña di Himno y Bandera

Haya sa un tiki mas di origen y protocol pa nos bandera

ORANJESTAD (AAN): Riba dia 21 di januari 1976 tramite a ser haci pa organiza un concurso di pintamento den pueblo pa un diseño di bandera. Muchanan di scol a haya oportunidad pa pinta esakinan. Un total di 693 diseño a ser ricibi. Nan deseo tabata pa mira un strea di cuater punta, esaki pa diferente motibo. Preferencia pa strepi, marca di color horizontal y/of vertical a bin dilanti. Colornan cu mas a resalta ta cora, blauw y geel. “Flag Research Institute” na Boston, a yuda scoge e diseño. E color di e bandera tabata “Larkspur”, escogi di e “British Colour Council Dictionary of Colour Standards”, No. 196, conoci como U.N. Blue. E color geel tabata “Bunting Yellow”, No. 113, e color cora tabata “Union Jack Red”, no. 210 y e color blanco tabata “White”, No. 1, tur color saca for di mesun dictionario.

Parlamento di Aruba a aproba e diseño riba 16 di maart 1976 cu a bira e bandera oficial di Aruba. Esaki a keda inaugura riba 18 di maart 1976. Pa prome biaha a hisa e bandera y a toca e

cantica “Aruba Dushi Tera” como nos himno nacional di Aruba durante un celebracion grandi den Wilhelmina Stadion, na Dakota. Awe Compleho Deportivo Guillermo Prospero Trinidad.

E color blauw di e bandera ta representa e lama cu ta rondona nos dushi isla. E posicion di e strea riba e bandera ta simbolisa e posicion di Aruba den lama Caribe.

E strea color cora cu rand blanco ta representa e pasion intenso di cada ciudadano pa su isla y e sanger cora di e Indjan cu a bringa pa libertad den Rooi Frances. E rand blanco di e strea ta simbolisa e santo blanco di nos beachnan rond di nos isla, e puresa di e curason di e habitantenan, cu ta respeta husticia, orden y libertad. E strea di cuater punta ta simbolisa tambe e direccionnan di compas, indicando e diferente paisnan di unda hende ta bini Aruba y forma un comunidad cu ta biba den harmonia cu otro formando un union multicultural. Loke ta garantisar libertad maximo.

Geel ta e color di abundancia y e liñanan horizontal ta muestra e solidez di tal abundancia. E color geel ta simbolisa tambe e fuente di ingreso di antaño, manera e industria di oro, guano y aloë, alavez e ta simbolisa nos flora y fauna manera kibrahacha, brasil, bonchi di strena, curahao, tuturuto y wanglo.

Algun puntonan pa tene cuenta cune ora di trata cu Protocol di nos Bandera: (*) E bandera por ser hisa solamente durante salida y bahada di solo. (*) Ora ta mantene e bandera hisa parti anochi pa mainta esaki mester ta ilumina tur momento pa medio di iluminacion apropiada. (*) E bandera mester ta hisa te na top di e palo di bandera.

(*) Hisa y bahamento di bandera mester sosode di tal manera cu e no ta toca tera/superficie/obheto di e palo di bandera y ser ricibi cu man y brasanan. (*) Na momento di luto e ban-



dera ta wordo hisa te na top prome y despues ta baha esaki na mita di e palo di bandera. (*) Ora di baha e bandera di luto, mester his’e for di e mita di e palo di bandera y sigui his’e te na top pa despues bah’e bek. (*) No ta ser permiti pa decora of agrega nada otro riba of na e bandera of uze como material di propaganda.

(*) E bandera mester ta di un material duradero pa nos clima. (*) Asina cu un bandera fraña of susha mester cambia esaki mesora. (*) E mester ta limpi y strica tur ora cu ta necesario. (*) E bandera no mester ser uza como parti di un bisti of uniform atletico, cu excepcion di e patch di bandera cu por ser uza riba uniform di personal militar, bombero y polis.

(*) E bandera mester ser destrui ora cu e no ta sirbi mas, door di kima esaki den un manera digno. (*) Pa warda e bandera e mester ser dobla bunita y ceremonial.

Entrante 1 di januari 2015 e colornan di nos bandera a wordo oficialisa pa medio di ley y e cambionan a keda manifesta den Ley articulo 11 di (LB ham). E colornan corecto di e bandera di Aruba ta Geel: PMS 109C; Cora: PMS 032C; Blanco: PMS Blanco absoluto y Blauw: PMS 279C.

E aña aki Aruba ta celebra 50 aña di nos Himno y Bandera y alavez 40 aña di nos Status Aparte.

Comunidad ta sigui cu interes pa planta den nan cura uzando Hydroponics



ORANJESTAD (AAN): Un sistema cu ya desde decada di 1980 ta conoci na Aruba, esta cultiva mata di berdura y fruta via Hydroponics, awor ta birando mas y mas atractivo riba e isla.

Riba Diamars mes a

cuminza cu un otro curso di Backyard Hydroponics. Esaki ta tumando lugar den sala di reunion di Santa Rosa.

E curso aki di Backyard Hydroponics, ta ser haci den colaboracion cu Hydro Technology Aruba. Y e

interes a ocupa e sala, y ta mira cu nan tin hopi smaak y dedicacion pa siña conoce mas di e sistema aki.

Di awor caba DIARIO y tambe Santa Rosa ta manda palabra di exito na e cursistanan.



RESULTADO DI SORTEONAN PA CORTESIA DI CADENA ALEXANDER DIAMARS 3 MAART 2026

DIARIO					
7634 3970 6899	1195 0894 8358	MERDIA	ANOCHI	MERDIA	9307
		7891	1692		GEMINIS
		7782	1717		5984
		8752	7835	SCORPIO	
		MULTI- X			ANOCHI
X2	X2				
					
MERDIA	ANOCHI	MERDIA	ANOCHI	MERDIA	ANOCHI
4025	2000	543	089	8385	9762
		X2	X2	X5	FP
		20-06-24-12-03			

BUSCA PALABRA

O A A R I C O G A I B O
A P B E L B R D U L A L
S O A N J A C R O B O L
E L N L P L D C D D U R
R L D E P C I E L O O I
G A E R S L R B P C K C
A L R B L L L P S R Y S
A I A E L A B O O N O U
A P B L U E B E R R Y G
L S P W A M A L A C A U
A T C A N G R E U E D A
G I U B A R E K N A O A
E C B N U E B J E A N S
A K B L L E R L K M T K

Bandera	Blueberry	Cielo	Lama
Anker	Jeans	Lipstick	Grape
Blauw	Cangreu	Cododo	Opal

> SUDOKU <

King Classic Sudoku

2				5				
	3	7	8			2		
9	8		2	4			3	
7	9	8		1	5			3
			6		2	9		
		2			8			5
	2	4			3			1
		5	7	2		3		8
		9	1	8	6	4		2


Difficulty: ★★

4-4

El a check-out y a muri na Hotel

WILLEMSTAD: Un turista a caba di check-out for di Hotel na Scharloo, y poco rato despues a bin hay'e morto. E lo a cay for di altura basta halto, y a bin haye cu un cap formal na su cabez.

Autoridad na Corsou awor ta investigando pa haya sa kico exacto a socede.



Hari Un Tiki

Un señora a bay un tienda di co'i hunga, y a puntra e bendedora:

—“Juffrouw, bo por a mustami ki Popchi tin y con cada uno nan prijsnan ta?” E bendedora a conteste mesora:

—“Cu placer, aki nos tin popchinan tipo Prinses cu ta wordo bendi na 10 Florin pa uno. Nos tin e popchinan tipo Divorcía, y ta na prijs di 15 Florin”.

E señora mesora a puntra: —“E diferencia di prijs?”

E bendedora a bis'e:

—“E ta facil, e Prinses tin su bisti y su zapatonan. E popchi Divorcía ta bay cu un cas, y un auto”.

Solucion Anterior

2	6	7	4	5	8	1	3	9
9	8	3	7	1	2	5	6	4
1	4	5	9	3	6	2	8	7
7	1	6	8	4	9	3	2	5
8	3	2	5	7	1	4	9	6
5	9	4	6	2	3	8	7	1
3	7	1	2	6	5	9	4	8
6	2	9	1	8	4	7	5	3
4	5	8	3	9	7	6	1	2

Difficulty: ★★★★★

7/30

Mini Mega

Diamars 3 Maart 2026

Sorteo# 1849

29 21 30 12

...Mega Ball: 14

- 1^{er} Premio: Tin 0 ganador Jackpot
2^{do} Premio: Tin 0 ganador Match 4
3^{er} Premio: Tin 1 ganador Afl. 500,00
4^{to} Premio: Tin 75 ganador di Afl. 50,00
5^{er} Premio: Tin 77 ganador di Afl. 15,00

Jackpot pa e proximo Sorteo di Mini Mega 6 Maart 2026
Afl. 290.000,- MEGA PLUS Afl. 400.000,-

EMERGENCIA NA ARUBA

Diaranson 4 Maart 2026

DOCTER NA WARDA

SAN NICOLAS:

Pa San Nicolas, Docter lo ta na H.A.P. ImSan.
Dokter tey for di 6'or di anochi te 10'or di anochi.

ORANJESTAD:

Pa Oranjestad, Docter lo ta na Huisartsenpost H.A.P. na Hospital. Docter tey di 6:30 pm te cu 10:30 pm.

BOTICA NA WARDA

PARIBA DI BRUG:

Botica Aloe NV
Pos Chikito 83
Telefon 584-4606

PABAO DI BRUG:

Botica Oduber NV
Caya Betico Croes 103
Telefon 582-1780

DIARIO

Loke Tempo ta Mustra....



•• Area di presion halto riba Atlantico ta sigui laga biento supla hopi duro, y lo bay tin hopi stof di Sahara tambe den atmosfera.

•• Biento di Pariba basta fuerte entre 20 y 39 km/h, cu rafaga te 64 km/h. Lama bruto cu ola entre 4 pa 7 pia.



ALMANAC



Bahada y salida di solo na Aruba

— 4 Maart 2026
Solo ta baha: 6:50 p.m.
— 5 Maart 2026
Solo ta sali: 6:54 a.m.
Solo ta baha: 6:50 p.m.



Tel: 583-1190
Anonimo y Confidencial



Lista di Crusero di bishita na Aruba

—Diaranson 4 Mar. 2026:

Brilliance of the Seas:
(08:00 until Thursday 5th)
Ambassador Ship 3:
(09:00 - 18:00)
Brilliant Lady:
(10:00 - 22:00)

—Diahuebs 5 Mar. 2026:

Majestic Princess:
(07:00 - 16:00)
Serenade of the Seas:
(08:30 - 18:00)
Brilliance of the Seas:
(Debarks at 18:00)

DEPORTE INTERNACIONAL

Murray cu 45 punto pa yuda Nuggets gana Jazz

SALT LAKE CITY:

Dialuna anochi Jamal Murray a caba cu 45 punto y a anota tironan liber faltando 31.8 seconde, yuda Denver Nuggets gana Utah Jazz 128-125.

Nikola Jokic a contribui tambe cu 22 punto, 12 rebounds y 5 asistencia pa Denver, mientras cu Julian Strawther a termina cu 15 punto.

Maximo anotador pa Utah tabata Keyonte George cu 36 punto.

George a wordo nenga tironan liber cu por a duna Utah e ventaha faltando 16.3 seconde.

Kyle Filipowski a contribui pa Jazz



cu 19 punto, 8 rebounds y 6 asistencia, mientras cu Ace Bailey a caba cu 18 punto.

Denver a keda contento cu e triunfo mirando cu prome cu e wega di Dialuna nan a perde 3 di nan ultimo 4 weganan.

Profar por haya suspension di 162 wega despues di test positivo pa di dos biaha pa uso di un substancia prohibi: e no por participa tampoco na WBC



ATLANTA: Bateador designa di Atlanta Braves Jurickson Profar muy probablemente lo ricibi un suspension di 162 wega, pa test positivo pa di dos biaha pa uso di un substancia prohibi, segun Jeff Passan di ESPN.

Profar anteriormente a ricibi un suspension di 80 wega na Maart di 2025 pa uso di e substancia prohibi cu e ta wordo yama 'human chorionic gonadotropin', cu ta un hormona cu ta produci testosterone.

E All-Star di 2024 lo tin cu entrega su salario di 15 milyon dollar pa 2026, mientras cu e lo no por hunga tampoco den playoffs.

Tambe ta asina cu Profar lo no wordo

permiti di hunga pa Hulanda na e World Baseball Classic (WBC).

E lo bira e di 6 hungador pa ricibi un suspension di 162 wega desde cu MLB na 2014 a aumenta e castigo pa hungadornan cu wordo gara pa di dos biaha pa uso di substancianan prohibi.

E Sindicato pa hungador di Major League, MLBPA, tin planea pa entrega un obhecion pa reta e suspension di Profar, segun Ken Rosenthal di The Athletic.

Braves na Januari di 2025 a firma un contrato di 3 aña cu Profar, na balor di 42 milyon dollar.

Giannis cu 19 punto den su regreso pero Bucks a perde contra Celtics



MILWAUKEE: Dialuna anochi porfin Giannis Antetokounmpo tabata bek riba cancha pa Milwaukee Bucks despues di perde e ultimo 15 weganan, y na final el a logra 19 punto y 11 rebounds. Sinembargo no tabata suficiente pasobra Boston Celtics a gana cu e score di 108-81.

Ultimo biaha cu Antetokounmpo a hunga tabata riba 23 di Januari y

un lesion na su batata di pia a pone cu el a perde varios wega.

Prome cu el a wordo lesiona, e Griego tabata tin un average pa wega di 28 punto y 10 rebounds.

Di otro banda, e maximo anotador pa Celtics tabata Payton Pritchard cu 25 punto y 9 asistencia, mientras cu Hugo Gonzalez y Derrick White cada un a caba cu 18 punto.

Nec a elimina psv y ta pasa pa final di KNVB Beker



HULANDA: Diamars NEC a causa un sensacion ora cu nan a gana nan wega contra PSV den e semi final di Copa di Hulanda (KNVB Beker). Despues cu NEC a bay ariba PSV a anota dos gol pa tuma e ventaha, pero e ekipo di Nijmegen a anota

dos gol bek pa gana e wega 3-2. PSV ta bay cas mientras cu NEC ta bay ta den e final di e copa. NEC awor tin cu warda riba e ganador di w semi final di awe entre Telstar y AZ

Noticianan for di Hulanda

Minister Berendsen: KLM a bula pa Oman pa busca biaheronan Hulandes cu a keda pega



HULANDA: Diamars KLM a manda un avion pa Oman pa busca biaheronan y empleadonan cu a keda pega.

Minister di Asuntonan Externo Tom Berendsen Diamars mainta a bisa den Tweede Kamer cu e avion lo bula bay Oman den oranan di anochi.

Ta wordo calcula cu Den Medio Oriente miles di Hulandes a keda pega.

Durante e ora di pregunta semanal den Tweede Kamer e mandatario a

gradici KLM pa su ayudo “Tin miles di biahero cu a keda pega y nos ta compronde cu nan ta hopi preocupa”.

Awenochi un prome buelo lo sali, cu ayudo di KLM, segun Berendsen.

El a indica cu den marduga e prome biaheronan lo ta bek for di Oman.

Otro personanan di paisnan den Union Europeo tambe a haya e oportunidad pa subi e buelo aki.

Pasashinan por bira 20 euro te cu algun 100 euro mas caro si e guerra contra Iran no para pronto



HULANDA: E prijs di ticketnan di buelo por aumenta cu decenas di euro y mas debi na e guerra contra Iran.

E prijs di petroleo cu a subi rapidamente tin un impacto grandi riba e manera di haci negoshi di KLM y otro aerolineanan, segun expertonan di aviacion y e organizacion pa interes di aerolineanan Barin.

Banda di esaki ta asina cu buelonan mas biaha tin cu wordo desvia.

E parti mas importante di e gastonan di aerolineanan ta e prijs di combustible.

“Esaki ta casi 30% di e total di gastonan di e companianan”, segun economista Rico Luman di ING.

Castigonan di prison te cu 15 aña pa explosion na cas den Nieuwkuijk



DEN BOSCH: Corte na Den Bosch a duna castigonan di 8 te cu 15 aña na tres homber pa un atentado cu un explosivo pisa na un cas na Nieuwkuijk den Brabant, unda cu e muhe habitante di e cas a perde un pia.

Mientras cu e muher tabata para tras di e porta di dilanti di e cas, un explosivo a rementa.

E castigo mas pisa a wordo duna na Othman H. di Den Bosch di 33

aña.

Un homber di Rosmalen di 57 aña a haya un castigo di prison di 12 aña, mientras cu un homber di Den Bosch di 33 aña a haya un castigo di 8 aña como esun cu a pone e explosivo dilanti di e cas.

“Door di e explosion y e consecucionan di esaki e famia a haya nan mes den un pesadiya”, segun e veredicto.

Forsanan aereo di Hulanda pa prome biaha ta bay entrena na Japon



HULANDA: Forsanan aereo Hulandes mas laat e luna aki pa prome biaha ta bay entrena na Japon.

Un total di cinco avion di combate F-35, un tanki A330 y un avion di transporte ta bay ta pa dos siman

largo na e base militar Japonés-Mericano Misawa.

Defensa Hulandes ta bisa cu e entrenamiento ta pa e sistemanan di e diferente paisnan cuadra cu otro y pa tin intercambio di

informacion importante.

Actualmente e avionnan y e tanki di guerra ta na Utah pa un training. For di eynan tur cos ta bay Japon, un partner di NATO den Indo-Pacific

Noticia Internacional

Merca a bolbe ripiti cu lo bin cu atakenan mas fuerte!

Diamars Iran a sigui ta lanza atakenan riba Abu Dhabi cu Doha y tambe Dubai

DUBAI: Diamars un biaha mas, Iran a lanza su misil y Drones rumbo pa paisnan bisiña, ocasionando explosionnan den ciudadnan di Abu Dhabi, Doha, y tambe na Dubai.

Merca mientras tanto ta sigui ataca varios vehiculonan Irani cu ta wordo uza pa lanza misil, pa asina keda debilita e poder militar. A bolbe ripiti cu pronto lo uza atakenan fuerte riba Iran.

Esaki riba mesun dia cu Israel tambe a lanza atakenan



na Tehran y Beirut, unda a ataca sedenan militar, y e grupo Hezbollah cu ta

sosteni door di Iran. Soldatnan tambe a marcha y drenta Lebanon.

Merca mientras tanto a dicidi pa cera nan Embahadan na Arabia Saudita, Kuwait, y Lebanon.

Agencia di noticia Tasnim di Iran, a bisa cu e bombardeonan a ocasiona por lo menos 780 morto rond di henter Iran.

Dos Drone di Iran a dal den Embahada Mericano na Arabia Saudita

RIYADH: Embahada Mericano na Arabia Saudita a wordo ataca cu dos Drone di Iran. Ministerio di Defensa di Arabia Saudita a confirma e atake, y a bisa cu el a ocasiona candela limita y daño menor. Ningun informacion a drenta di hende herida.

Fuera di esey, tin dos otro Drone di Iran cu a dal cerca di e Embahada.

Poco despues, e Guardia Revolucionario di Iran a bisa cu nan a cuminsa cu e meta pa destrui "centronan politico Mericano" den e region. Y nan ta bisa cu e explosion den Embahada di Washington na Riyadh ta un paso den e direccion aki.

Ora a puntra President Donald Trump ki su reaccion ta encuanto e atake, el a bisa un medio di comunicacion: "Lo bo haya sa pronto" riba loke lo ta su reaccion.



Crudo a subi na \$83 pa bari

LONDON: Riba Diamars, prijs di crudo Brent a subi y yega te na \$83,51 pa bari, cu ta un aumento drastico den 24 ora di tempo. Prijs di West Texas Intermediate a yega te na \$76,09.

Esaki a socede mientras cu guerra den Medio Oriente a sigui escala. Un subida den prijs di gas LNG tambe a spanta mercado mundial di bolsa, cu a cay bastante tambe riba Diamars.

Miles di turista stagna riba barconan crusero na Golfo Persico

DUBAI: Atakenan di Iran a sigui riba su paisnan bisiña, y atrobe misil y Drones a cay riba ciudadnan di Abu Dhabi, Doha, y tambe na Dubai.

Tin varios crusero grandi cu ta stagna tambe awor den Golfo Persico, incluyendo esun riba e potret aki cu ta Mein Schiff 5 di e compania TUI Vacations, cu ta mara na waf di Doha (Qatar).

Pa colmo pasaheronan no por baha tampoco, como cu nan vuelo di regreso cu avion no a sigui debi cu espacio aereo ta cera. TUI a dicidi pa laga e pasaheronan keda riba e barco, pero hopi tin miedo



cu e barco grandi aki lo por bira blanco di atake tambe di misilnan di Iran. Tin varios barco crusero stagna den Golfo Persico, incluyendo MSC Euribia mara na Dubai,

tambe Mein Schiff 4 na Abu Dhabi.

A ser splica cu un vuelo special di Emirates a sali cu 218 pasahero di Mein Schiff 4 rumbo pa Munich.

NOTICIA FOR DI COLOMBIA

DETENE 5 DELINCUENTE ATENTADO CONTRA TAXI

BARRANQUILLA: Danki na un reaccion rapido di Polis Nacional, a logra detene cinco delincuente kendenan a participa den un atentado contra un Taxista den bario Pradera na Barranquilla.



Tur cos a cuminsa ora cu un Taxista di 34 aña moviendo cu su vehiculo,

a resulta herida door di un impacto di bala di un arma di candela. E Taxista no ta un persona demasiado inocente, pasobra su carchi di castigo tin 7 caso di delincuencia cu e tambe a yega di comete den pasado. E biaha aki danki na reaccion rapido di Polis, a logra detene cinco homber cu tabata involvi den e atentado riba e Taxista. Nan a logra confisca un arma tipo Revolver di caliber .38 cu seis bala aden, pero di cual tres di nan ta djis e huls a keda. Tambe a confisca e dos motorcycle riba cual nan tabata moviendo. Tur esnan deteni tambe tin carchi di castigo di crimennan anterior. Autoridad a reconoce nan como miembro di e gang criminal organiza yama 'Los Costeños', y e tiramento tabatin algo di haber cu reglamento di cuenta. Esnan deteni ta Yuldol Fontalvo Camacho di 22 aña, Carlos Granados Pamera di 26 aña, José David Moreno di 23 aña, Duván Vanegas Rangel di 18 aña, y Yohel Blanco Mariano di 23 aña.

MUCHA DI 4 AÑA A MURI DEN UN CANDELA

BARRANQUILLA: Un tragedia a socede e siman aki, ora cu un mucha di 4 aña a muri debi na un cas cu a kima



den bario Rebolo na Barranquilla. E candela a start banda di 2'or di atardi, y mesora tur bisiña y famianan a cuminsa busca forma pa drenta y rescata e mucha, pero e vlamnan a bira grandi mesora y nan no por a haci nada. E mucha a muri debi na e vlamnan y inhala huma diki. Personal di emergencia, y tambe Bomberonan di Barranquilla a yega, pa purba paga e candela y rescata e mucha, pero no a bay facil. Ora cu nan a haya e mucha, ya el a muri y a bin haye den un di e cambarnan. Polis investigativo di Sijín hunto cu Bombero lo haci e investigacion, pa check si berdad ta un kortsluiting a ocasiona esaki of no.

COLOMBIA TA REACCIONA Y HISA TARIFA NA 50%

IPIALES: E conflicto entre Colombia y Ecuador a empeora, y tension comercial ta sigui escala. Despues cu



Ecuador a haci algo similar, awor gobierno di Bogota a saca un decreto pa muestra cu nan ta aumenta tarifanan di importacion di 30% pa 50% riba productonan di Ecuador, y e ta afecta mas di 190 producto. E medida a bin algun dia despues cu Ecuador a hisa tarifa na 50% riba productonan Colombiano, y a uza e excusa riba cierto fayonan den accion di control na frontera relaciona cu orden publico. E lista nobo di producto, ademas di cuminda y productonan di agricultura y quimico, awor ta inclui salo, sulfur, y lo mas visibel ta e importacion di aros.

Noticia Internacional

Serie di atake pa asina manca e capacidad di arma Irani

Avionnan bombardero B-1 di Merca cu atakenan tras di otto riba fabricanan di misil na Iran



WASHINGTON: E siman aki, Central Command (CENTCOM) di Merca a confirma cu nan a ehecuta un serie di atakenan aereo, uzando avionnan bombardero B-1 cu a penetra te den profundid di teritorio di Iran, pa asina destrui nan capacidad belico.

US Air Force a indica cu e maniobranan aki a wordo planea di antemano como parti di e balance di e asina yama 'Operation Epic Fury' cu a start desde Diasabra cu a pasa cu atakenan di miles di

bom riba teritorio di Iran.

"Avionnan di B-1 Bombers di Merca a ataca profundamente paden di Iran pa asina degrada e capacidad di misil cu Iran tin na su disposicion," ta loke Central Command a indica den un boletin cu nan a saca.

E vuelonan aki a responde na e strategia di defensa nacional fiha door di Cas Blanco, pa asina elimina e menazanan di alcance largo den e region.

"Nos ta bay destrui boso misilnan y basha tur boso

industria di misil y laga nan bek na shinishi," ta loke president Donald Trump a declara, segun detaye cu e comando militar a laga sa.

E avion B-1 Bomber posibelmente ta asigna na e di 28 Wing di Bombardeo cu ta di Ellsworth, South Dakota.

Seis militar Mericano morto na Kuwait



WASHINGTON: E cantidad di morto den e atake contra militarnan Mericano na Kuwait riba Dia-domingo, a aumenta na seis, segun Central Command di Merca a divulga Dialuna atardi laat.

Secretario di Defensa, Pete Hegseth a confirma cu e atake cu a mata e militarnan aki tabata ora cu un misil a logra pasa door di defensa aereo, y a bin dal den un centro di operacion tactico cu tabata fortifica.

E militarnan aki ta bin di e Base Militar di Fort Knox na Kentucky na Merca, y nan ta hunto cu otro soldatnan di otro unidatnan asigna pa apoya rotacion di nueve luna. E centro di operacion tactico aki ta situa na Camp Arifjan, na Kuwait.

Shakira tin un joncuman nobo y e mes a confirm'e



NEW YORK: E bida sentimental di Shakira a bolbe haya atencion di prensa. E biaha aki, e cantante di Barranquilla a confirma su relacion cu e actor britanico Lucien Laviscount, conoci internacionalmente pa su rol di Alfie den e serie 'Emily in Paris'. E noticia aki ta pone un fin na lunanan largo di speculacion cu a start despues di e grabacion di e videoclip di 'Punteria', cu ta e cancion cu e cantante ta comparti credito cu Cardi B.

A nota cu nan dos tabata hopi cerca di otro, desde grabacion ey na 2024, ora cu

Laviscount a actua como e interes romantico di e artista. E quimica riba pantaya a bay mas cu ficcion, y for di e tempo ey a miranan varios biaha hunto, specialmente na New York, y asina versionnan a cuminsa plama encuanto un posibel romance cu nunca a wordo confirma di forma directo door di ningun di dos.

Awo lunanan a pasa, y e imagennan, nan encuentro y interaccion a sigui di ta topico di combersacion, y awor cu a ser confirma, monton di reaccion a bin di fanaticonan y di prensa internacional.

NOTICIA FOR DI VENEZUELA

VENEZUELA A DESTRUI OTRO AVION PIRATA



PUERTO AYACUCHO: Riba Dialuna den cuadro di operacion 'Escudo Bolivariano', militarnan Venezolano na estado Amazonas a logra di descubri, y mesora a destrui un avion pirata cu nan a haya eynan staciona riba un pista clandestino. Avion pirata hopi biaha ta bulando y drenta espacio aereo sin ningun clase di comunicacion, ni permiso, y a djis bula pa sea busca of entrega droga. E biaha aki ta trata di un avion Beechcraft Baron 58, di dos motor cu matricula PR-NIB color blanco cu strepi blauw. E matricula nifica cu e ta registra na Brasil, y lo a wordo uza pa guerihero/narcotraficantenan TANCOL, y tambe crimen organiza pa transporte di droga. A bin haya den e area ey na municipio Autana, bakinan grandi cu como 3.800 liter di jetfuel tipo AV-Gas, y 200 liter di azeta Aeroshell W100.

MAS DI 62 KILO DI MARIHUANA HAYA RIBA ISLA

CIUDAD BOLIVAR: Oficialnan Anti-Droga y tambe Polis di Espacionan Aquatico, di Cuerpo Policial



Nacional Bolivariana (CPNB) a logra di confiscar 163 paki di marihuana, y esakinan a logra yega na un peso di 62,8 kilo, durante un



operacion cu nan a ehecuta den sector Boca de Aro, especificamente riba e isla El Aro di municipio Angostura del Orinoco. Ta habitantenan di e area a duna autoridad tip cu nan a mira botonan tipo curiara cu a

yega eynan for di poblacionnan mas halto di Rio Orinoco, y autoridad a bay tira un bista. Asina nan a bin topa cu cuatro bulto grandi yena cu e droga benta un caminda, kizas wardando pa e doño pasa piki nan despues. Pesey no a logra detene ningun hende. E movimiento di e botonan sospechoso aki a hala atencion, y pesey hopi hende a core yama Polis.

PASTOR EVANGELISTA Y YIU A MURI DEN CANDELA

MARACAIBO: Un homber y su yiu muhe di 8 aña a muri den un candela cu a socede Diasabra den un cas na



sector La Arreaga, di parokia Cristo de Aranza, na Maracaibo, estado Zulia. E homber fayeci a wordo identifica como Harold Castillo di 48 aña di edad, kende ta un pastor evangelista. Parce cu e pastor a trata di salba su dos yiu muhe menor di edad ora el a

nota vlamnan ta kimando e cas. El a logra rescata solamente e yiu muhe grandi di 10 aña, y a muri ora cu e tabata trata di salba esun di 8 aña. Tur dos a wordo haya sin bida den e cas kima. Un kortsluiting den coriente 220 Volt di e airco, a ocasiona e candela cu a start 6:30 am. E mucha muhe di 10 aña ta hospitaliza den Intensive Care na Maracaibo, cu quemadura na 80% di su curpa.

Pa chica Pos - Habri tubería y wc.
Servicio lihe y confiablel.
 Experiencia ta manda
CICLONE
 Septic Tank Service
Tel: 564-0607 / 734-0607

TA FURA
ELMA UPHOLSTERY
 Matras, box busca mainta y
 haye atardi! Set di sala, tv
 chair, sienta auto.
Tel: 565-5577
 Macapruimstraat # 1L

CONSTRUCCION
REMODELACION
 Nos ta traha y drecha tur sorto
 di dak: shingle, eterniet, panchi,
 zink. Pega bloki, tegels, plafond,
 pleister, pone porta, lanta cura,
 basha vloer, construcccion di cas
 y apto bon prijs. Free quotation.
Tel: 561-2137

NOS TA CUMPRO
 Oro y plata kibra,
 holoshi antiguos y
 moderno di bon marca.
SILVER LEAF
 Havenstraat 32
Tel: 746-0535 / 592-1776

TA FURA
STOEL

CEL: 561-2941

WASMACHINE
 Ta drecha wasmachine,
 dryer, stoof, forno.
 Ta drecha, service y instala
 airco. Tel: 742-2518.
 Ta drecha na cas mes.

GRATIS
 Auto bieu den cura? Nos ta
 pikje pornada. Airco y bateria
 tambe. Frigidaire, stoof,
 wasmachine, dryer etc. ta 25,-
 p/un. Yama nos na 561-4297
 of 561-5179. Arubiano balente.

JR PLOMERIA Y
CONSTRUCCION VBA

 Nos ta haci tur trabao
 di plomeria grandi y
 chikito. Lavamanos,
 wc, lavaplato y ducha.
 jrplomeriaconstruccion@gmail.com • Sero Blanco 29-E
Tel: 563-4154 • 563-9130

TA CUMPRO
 Holoshi antiguo
 y moderno
 di bon marca.
Tel: 744-9995

PROMASTER
 Pa laba tapijt, sofa,
 tur matras.
 99% desinfecta.
Tel: 582-0383 / 593-3538
 Leslie Maduro

DIARIO
 Pa noticia, cumpleaños,
 comentario, redaccion:
noticia@diario.aw
Tel: 582-6747

Produccion local di documentario

'Si e Baranca por a Papia' den salanan di Movies Aruba

ORANJESTAD (AAN):
 E siman aki e documental
 Si e Baranca por a Papia:
 Storianan di Sclavitud
 lo estrena den tur sala di
 Movies Aruba: Gloria,
 Renaissance y Principal.

Produci door di peri-

Mercado Reparacion y Servicio Nos ta drecha

Wasmachine, Frigidaire,
 Cooler, Dryer, Stoof, Forno.
 Tur tipo di split-unit y window.
ALEX MERCADO! Any time

Cel: 567-0580

AIRCO REPAIR AND SERVICE

Nos ta drecha tur sorto di
 airco, frigidaire, wasmachine,
 cooler, freezer, stove,
 ice-maker, dryer. Yama nos
 anytime: 747-7987 / 744-2202

ASSOCIATED REALTORS

TA BENDE
 Un cas espacioso di 5 camber
 y 2 baño na Huronstraat/
 San Nicolas, fixer upper,
 construi 285 m², tereno 486 m²
 y pa Afl.420.000,00.
 Yama Mito na 593-6318

TA CHAPI

Corta mata.
 Ta tira sushi afo. Nos
 ta hardineria completo
 na super bon prijs.
Tel: 569-8003

General Contractor Gomez

Pa tur trabao den bouw.
 Ta busca un representante.
 Un truck pa chupa poz.
 Uitzendbureau bo ta busca
 trabao, bo mester hende pa
 traha. 297 5677513 /
 5999 6918806



odista Melissa Stamper,
 Elai Petronia y Randall
 Luidens di The POV, e
 proyecto ta marca un mo-
 mento importante den e
 panorama cultural di Ar-
 uba como un documental
 completamente produci
 na e isla, cu e enfoka riba
 un parti di nos historia cu
 hopi biaha a keda for di
 e combersacion publico:
 e historia di sclavitud na
 Aruba.

Si e Baranca por a Papia
 ta investiga e historia di
 sclavitud na Aruba door
 di pone enfoka riba e lu-
 ganan unda e pasado aki a
 tuma luga. Door di com-
 binacion di investigacion
 periodistico, archivonan
 historico, mapanan bieu,
 dramatisacion y entrevis-
 ta cu expertonan local, e
 film ta pone riba mapa e



lugarnan cu awendia nos
 conoce manera cunucu,
 tereno of concessiegrond,
 pero cu tin un pasado mas
 profundo liga cu sistema
 di plantage y trabao for-
 sa.

E documental ta sigui e
 historia di personahenan
 manera Virginia, Juan y
 Thomas, cu nan bida a
 wordo registra den archi-
 vonan, pero cu avor nan
 historia ta bira visibel riba
 pantaya grandi. E produc-
 cion no ta solamente un

relato historico, sino un
 invitacion pa reflexiona
 riba nos pasado y con e ta
 influencia nos presente.

Publico henter ta invita
 pa mira e documental y
 participa den e dialogo to-
 cante e pasado y futuro di
 nos isla. E documental lo
 pasa for di 5 di maart na
 Movies Aruba y lo pasa
 pa un siman na tur locali-
 dad. Pa mas informacion
 tocante orario di screen-
 ing por bishita e website
 di Movies Aruba

Columna E Sembrado



Diamars 3 maart. Di dos siman di Cuaresma aña 2026
 Ciclo A

Calendario Liturgico

Lectura: Isaías 1, 10.16-20;

Salmo: 50;

Evangelio: Mateo 23,1-12;

**"P'esey obedece y sigui tur cos cu nan bisa, ma
 no haci manera nan ta haci si! Pasobra nan
 mes no ta haci loke nan ta bisa. Mateo 23,1**

Rumannan e Palabra di Dios ta siña nos cu nos mester
 ta atento, hopi hende ta papia bunita pero nan bida ta
 musta e contrario. Nos mester purba sigui e bida di
 Hesus. E no ta facil pero e recompensa ta Bida Eterno.
 Awo cu ta tempo di Cuaresma ban pidi Hesus laga nos
 cana hunto cu nE. Si nos conoce su Palabra ban bibe.
 Ban cana cu Hesus, ora nos trompeca pidi'E lanta nos
 bek. Bunita ta cay y lanta bek y reconoce cu nos a com-
 ete un eror y pidi pordon. Sea humilde.

Oracion: Dushi Hesus nos kier ta humilde, cana den
 Bo pasonan. Guia nos y muestra nos cua ta e obra cu Bo
 kier nos haci den e Cuaresma aki. Laga nos papia y ta
 un ehempel di Bo den obra y nos bida diario. Amen.

Grupo Centro Pastoral Aruba



Directiva di Sindicato TOPA

Trahadornan Organiza di Sector Publico
 di Aruba

Ta extende nos mas sincero condolencia
 na famia di

"Sra. Ludwina Alberts-Larez"

Na bida miembro di Sindicato TOPA

Cu Dios duna su famia hopi forza na e
 momento dificil aki.

Cu "Ludwina" sosega na paz.



Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Laga tur locual cu ta sperami ta bunita.
Laga tur locual cu mi encontra na caminda ta bunita.
Laga tur locual cu ta rondonami ta bunita.
Laga tur locual mi ta laga atras keda bunita.
Y laga esakinan termina den tur buniteza.
Cado Wever

Cu inmenso tristesa den nos
curason nos ta anuncia
fayecimento di nos casa, tata y
welo stima.



Sr. Gabriel Croes
Mihor conoci como Gabi
***24 Maart 1938 – † 28**
Februari 2026

Mayornan:

† Chento & † Chida Croes – de Mey
Na number di su:

Casa: Francisca "Sita" Croes – Loefstop

Yiunan:

Jermia "Maya" Anthony-Croes viuda di † Randy
Anthony

† Marieta Croes

Sharin Croes

Nietonan: Hayden Anthony

Samantha Schwengle

Yxzaira Anthony

Xander Schwengle

Rumannan: † Jenchi & † Tichi Croes

† Juanita & † Paulus Croes y Famia

† Cerilio Croes & Yiu y Famia

† Adriano & † Andrea Croes y Famia

† Miguel Croes y Famia

† Antonio & Chita Croes y Famia

Sua & Cuñanan:

† Maria Magdalena & † Nadi Croes y Famia

Marceliana "Canay" & † Patricio Croes y Famia

† Antonio Loefstop

† Damasco "Dama" & Maria Loefstop y Famia

Filomena "Mena" & † Marcolino Erasmus y Famia

Leonardo "Chai" & † Alcida Loefstop y Famia

Altagracia "Inchi" & Everardo de Cuba y Famia

Ethline Loefstop y Famia

Sobrinu y sobrina nan, primo y prima, ihanan.

Ayudantenan di cas:

Trinity Aruba, Wit Gele Kruis & Footprints Home
Care Aruba.

Un danki special ta bai na su dokter di cas, Dr. van
Ool, demas specialistanan y fysiotherapiestanan.

Famia: Croes, Loefstop, de Mey, Anthony,
Schwengle, Lampe y demas famia.

Ta invita pa acto di entierro cu lo tuma lugar dia
6 di Maart 2026 na Aurora Funeral Home di 9or
pa 11or di mainta.

Despues nos defunto stima lo wordo hiba na su
ultimo lugar di sosiego na Santana Catolico di
Paradera.

Despues di despedida nos no ta ricibi bishita di
condolencia na cas.

Disculpa nos, si den nos tristesa nos por a lubida
algun familiar.

Directora di CEDEHM, Miangela Ras: Dia 8 di Maart CEDEHM lo celebra su 15 aniversario

ORANJESTAD (AAN)--
Directora di Centro di De-
saroyo di Hende Muher
(CEDEHM), señora Mi-
angela Ras, ta hopi con-
tento cu e hecho cu e in-
stancia aki ta yega su di 15
Aniversario.

El a comenta cu henter e
team di CEDEHM ta or-
guyoso di celebra 15 aña di
existencia, cu oficialmente



ta di 8 di Maart, fecha den
cual el a nace na 2011, riba
Dia Internacional di Hende
Muher.

"Nan ta 15 aña fabuloso.
Desde e dia 1 mi ta parti
di e team di CEDEHM. Mi
tabata den otro posicion, e
tempo ey, Coordinadora di
Proyecto y na mitad camin-
da hefe di e departamento.
Mi ta bisa cu CEDEHM ta
hopi special, y ta algo di
celebra.

"Mi ta hopi contento di a
wordo permiti door di Dios
y bida, pa mi forma parti di
e team aki", Miangela Ras
a expresa.

Ras a bisa cu eigenlijk, e
departamento aki a lanta
30 aña pasa, door di señor
Henny Eman (dfm). "Den
su prome gabinete, Direc-
tie Vrouwen Zaken a lanta.
Na caminda el a bira CE-
DEHM, 15 aña pasa", el a
duna di conoce.

El a bisa cu e instancia aki
a yuda cu awendia e hende
muhe ta mas conecta, mas
empodera, pero maske cu
nan a braza e modelo eco-
nomico, unda cu hende
hombler y hende muhe ta
traha, 'this is a good team',
sinembargo hende muhe
ta esun cu a keda cu tur e
rolnan tradicional toch.
"Kiermen, eigenlijk un
hende muhe cu ta traha, no
solamente e ta traha tempo
completo, pero ta traha
'full time' na cas tambe, e
tin e cuidu di e yiunan, di
su mayornan, pues, e parti
di cuidu no paga ta riba
lomba di hende muher",
directora di CEDEHM,
Miangela Ras, a subraya.



Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever

Cu hopi tristesa y conforme cu
boluntad di Dios, pero agradecido pa
su bida y su amor,
nos ta anuncia fayecimento di:

Sra Viuda Laura Valeria
Williams-Pietersz

Cariñosamente yama "Lelia"

***28-04-1939 - †26-02-2026**

Viuda di: Sr. Vicente Williams



Na number di su:

Subrina/manera un yiu: Anouschka, Ricardo y famia

Rumannan: †Shon Tin y †Cleansa Pietersz y famia

†Elsy y †Benny de Kort y famia

†Olivia Croes y famia

†Grace y †Victor Larmonie y famia

†Segundo y Reina Pietersz y famia

Paulina y †Thomas Kalinowski y famia

Netto y Sylvia Pietersz y famia

†Martica y †Tommy Arends y famia

Cuñu y swanan: Frits Halley y famia

†Lionel Williams

†James Williams y famia

†Etienne Peterson y famia

†Gloria Williams-Gustina y famia

†Grace Williams y famia

†Ramona Tromp-Williams y famia

Subrino(a)nan, Primo(a)nan

Demas Famia, bisiñanan, excoleganan di Aruba Bank
y conocirnan.

Amiga stima: Filomena Dubero

Amigo(a)nan di Gayero

Conoci /Amistadnan di cas: Sherwin Sint-jago y famia

Tonca Vlaun y famia

Benchi Pik y famia

Dutchi Kock y famia

Acto di despedida ta tuma lugar Diahuebs 5 di Maart
2026 di 7:00 pm pa 9:00 pm na Pray Funeral Home na
San Nicolaas.

Cremacion lo tuma lugar den seno familiar.

Nos disculpa si den nos tristeza nos por a lubida number di
algun famia of conoci.

Nos ta lamenta cu despues di cremacion nos no por ricibi
bisita di condolencia na cas.

Mi no a muri.
 Ta p'esey mi no a bisa ayo.
 Mi a djis habri mi halanan
 y bula bay keiro.
 Boso a keda atras.
 No bosa tristeza domina boso.
 Keda uni un cu otro pa mi alma, esey lo ta un alegria.
 Recorda mi cu hopi amor.

Cu dolor na nos curason pero conforme cu boluntad di Dios, nos ta anuncia fayecimento di:



Emiliano Tromp
 Mihor conoci como "Pacha", "Miano", "Mill",
 "Blood", "Papa" y "Mianchi"
 *8 Augustus 1934 - †28 Februari 2026

Na number di su:

Esposa: †Leonora Tromp-v/d Biezen

Yiunan: Edwin y Elvira Tromp-Geerman y famia
 Jacinto y Nepzully Tromp-Briceno y famia
 Mariela y Guadalupe Henriquez-Tromp y famia
 Daniela y Alberto Solognier-Tromp y famia
 Alvin y Sabira Tromp-Maduro y famia

Manera yiu: Geramin y Vanesa Tromp-Nunez y famia

Mayornan: †Eduardito Tromp

†Carmelita Tromp-Semeleer

Suegro y suegranan: †Lodewijk van der Biezen

†Fransisca van der Biezen-Werleman

Rumannan: †Jose y Carmen Tromp

†Casin y Chichi Tromp

Juliana y †Buti Gil y famia

Theresita y †Hilario Thode y famia

†Mariano y Carmen Tromp y famia

†Asuncion y Delva Tromp y famia

†Eduardita y †Antero Gil y famia

Clea Farro y famia

†Tonny Farro

Nieto y nietanan: Joella y Mark Le Grand-Tromp y famia

Roger y Marielle Tromp-Piter y famia

Natuska y Ivmar Angela-Tromp y famia

Mayeli Tromp y famia

Jolina y Alexi Heronimo-Tromp y famia

Rosanne y Francis Janga-Tromp y famia

Arthur y Mary-Ann Henriquez-Kelly y famia

Geramin y Vanesa Tromp-Nunez y famia

Gairo y Charlene Tromp-La Croes y famia

Judella Tromp y famia

Gabriela Tromp y famia

Caldrick y Laura Tromp-Sofia

Marisa Tromp

Isbelia Henriquez

Isamae Solognier

Naty Bislip

Bisanieta y bisanietanan:

Egeld, Alliyah, Julene, Zayger, Zane, Naivmar, Neymar, Naivilly,

Marzayli, Nolan, Nelina, Jayden, Zaydion, Seth, Richeline, Kaylee-ann,

Jermaine, Gianna, Rochellien, Sander, Juandro, Jaceline y Riandra.

Swa y Cunanan: †Julian y †Aura van der Biezen-Farro y famia

†Elogia y †Ildo van der Biezen-Thiel y famia

†Linda van der Biezen y famia

†Rosimbo van der Biezen y famia

Adela Van der Biezen

†Teresita van der Biezen

†Luciana van der Biezen

Iha: Lilian Gil

Sobrinu y sobrinanan, primo y primanan, ihanan, Bisiñanan,
conocirnan y amistadnan di cas, ex trahadornan di Lago, Garcia
Contractor y su amigonan di White Star.

Demas Famia: Tromp, Van der Biezen, Werleman, Geerman, Briceno,
 Solognier, Maduro, Semeleer, Farro, Thode, Gil, Nunez, Angela, Le
 Grand, Henriquez, Del Orbe de Jesus, Piter, Kock, Janga, Kelly,
 Heronimo, Vlaun, de Palm, Thiel, La Croes, Sofia, Curie, Rosa, Bislip,
 Beaujon, Donata, Quandt, Prins, Wester, Wernet, Harkelijn, Halman,
 Britten, Wolf, Franken, Pourier, Boekhoudt, Jimenez, Terrero, Ruiz y
 Driksz.

Si den dolor nos por a lubida algun famia, nos ta pidi disculpa pa esaki.

Oportunidad pa Condolencia lo ta Diahuebs, 5 di Maart 2026 na
Ad Patres Funeral Home & Crematory na San Nicolas di 7'or pa
9'or di anochi.

Acto di entieru ta tuma lugar Diabierna 6 di Maart 2026 na Parokia
Sagrado Curason na Savaneta di 2'or pa 4'or di atardi. Despues lo
sali pa santana San Hose na Savaneta.

Despues di entieru no lo ricibi bishita di condolencia na cas.

Staff y personal di Ad Patres funeral home & crematorium San Nicolas ta
extende nos mas sincero condolencia na Famia di e fayecido.



AD PATRES
 funeral home

Van Rensselaerstraat 2
 584-2299 / 737-2299
 adpatres@qualityservice.com
 Family owned and operated

"Señor ta mi wardador, mi'n tin falta di nada.
 Den cunucu di yerba berde e ta ponemi sosega.
 E ta hibami na awa trankil, pami bolbe haña forza".
 Salmo:23

Cu inmenso tristeza na nos curason, pero conforme cu boluntad di Dios nos ta anuncia fayecimento di nos ser keri:



Frida Edwina Croes Thijzen
 Cariñosamente yama:
 "TanFrida of TanFri"
 *06-07-1957
 †23-02-2026

Na number di su:

Tata: †Leocadio Thijzen

Mama: †Sebastiana Martijn-Thijzen

Esposu stima: Isaias Croes

Yuinan: John y Sylvia Croes-Verkooijen

Juny y Esmeralda Croes

Ryan y Nick Croes – Timmers

Christopher y Damira Croes- Odor

Juan Junior y Indy Croes – Klimtsjac

Nieto (a) nan: Jelisa Croes

John Michael Confessor

Abigail Croes

Savanah Croes

Su Bisanieta: Savanah Arnold

Manera nietonan: Daylan y Kayden Angela

Ruman nan:

Lucio "Eddy" y Doris Thijzen- Van der Linde

Juan "Bitto" y Thelma Thijzen- de Cuba

Den y Lydia Thijzen -Arends

†Yolanda y Hernando Alvarez- Thijzen

Mario y Linda Thijzen- Solognier

Manera ruman: Miriam y Fanchi Koolman-Rosel

Norma Martijn

Esther Esitmez

Sua y cuñanan: Marcelo "Feli" y Agnes Croes-Petrochi

†Fein y Greta Croes-Croes

Leonardo "Rito" Dirkz

Lidia Dirkz

Vicente Dirkz

Aura Dirkz

Cynthia y Roy Kelly-Dirkz

Susan Dirkz

Sobrinu(a)nan: Johna - Tyrina – Taryn – Rudolf –

Gregory – Myron – Ulrick - Ana Carina – Leonardo –

Vanessa – Juny – Angelo – Agmed – Raymond –

Raybert - Gilmar – Julaia – Juleanne – Alex – Osmar –

Eugene - †Jolene – Andreina – Kenrick – Eldrick –

Noadiah – Joacim – Ketura y Jonathan.

Su Tantan: Rosa Thijzen

Carla Wever-Thijzen

Angelica Tromp- Martijn

Iha nan: Tyrina- Ana Carina- Charlize

Famianan: Thijzen, Martijn, Croes y demas famianan.

Ta invita demas famia, bisiña, amigo(a)nan y
conocirnan pa asisti na e acto di entieru cual lo
tuma lugar diasabra, 7 di Maart 2026 for di 2or – 4or
di atardi, na Ad Patres Funeral Home na San
Nicolas. Despues nos lo sali cu nos defunto stima
pa Santana Catolico San Hose na Savaneta.

Si en caso den nos tristeza nos por a lubida algun persona of famia, nos ta pidi nos mas sincero disculpa.

Staff y personal di Ad Patres Funeral Home & Crematorium
ta extende nos mas profundo condolencia na famia di e
fayecida.



AD PATRES
 funeral home

Van Rensselaerstraat 2
 584-2299 / 737-2299
 adpatres@qualityservice.com
 Family owned and operated

Randy Maduro, vocero di Santa Rosa:

LVV cu DOW **mirando con** **por ataca e** **problema di** **sushamento** **di damnan**

•Nan ta trahando
riba e parti logistico



ORANJESTAD (AAN) Relacionista Publico di Departamento di Agricultura, Cria y Pesca, Randy Maduro, den entrevista cu DIARIO a splica cu LVV ta bezig tambe cu Departamento di Obran Publico (DOW), pa bay con nan ta bay organiza e parti logistica, pa ataca e problema di tiramento di sushi na rand of den e damnan cu ta cay bao maneho di Santa Rosa.

"Pasobra na e momentonan aki nos no ta dispone di makinanaria grandi pa haci lantamento di sushi asina, pero si nos ta bezig cu DOW, pa wak con nos ta bay ataca e escenario aki", el a duna di conoce.

Pero un biaha mas el a haci un yamado civico pa esnan concerni no tira sushi na oriya ni den dam.

"Nos di Departamento di Agricultura, Cria y Pesca ta haci uso di nos trucknan di awa, nos ta bishita diferente di e damnan aki, den diferente barionan rond di nos Isla, p'asina nos por duna e servicio di transporta awa di nos damnan pa productornan local cu ta planta fruta of berdura; nos ta haci un apelacion pa no tira sushi den e damnan. Hacie den un lugar cu ta destina pa sushi, y asina aki nos ta evita contaminacion di awa."

"Na momento cu personanan ta tira sushi cu ta contamina e awa, y na momento cu nos ta transporta esaki, nos por causa un daño na e persona cu ta plantando su producto local; e por causa daño na su matanan. Nos kier haci e apelacion 'no tira sushi na oriya den e dam of den dje directamente, pasobra esaki ta causa molester y problema. Tambe si polis haya bo, bo sa cu bo tin un multa sigur! Nos departamento no tin autoridad pa sanciona un persona cu boet, pero si polis haya bo, bo tin problema", Randy Maduro a remarca.

SUPER CARD SUPER DEALS



COMFORT CLASS

**Monday
Thursday**

8.00 AWG

**Friday
Sunday**

9.00 AWG

IMAX

10.00 AWG

11.00 AWG

VIP

11.00 AWG

12.00 AWG

**BEST CINEMA AT
THE BEST PRICES!**

Sign up today at any **The Movies location**
and **start enjoying great benefits!**

Pa Engineers Week

Asina Elmar y Instituto KIVI a pasa na EPB Oranjestad



ORANJESTAD (AAN): Personal di NV Elmar y Instituto KIVI tabata na EPB Oranjestad na Hato pa Engineers Week.

Engineers Week a cuminsa na EPB Hato cu un bishita special di ELMAR hunto cu Koninklijk Instituut Van Ingenieurs (KIVI). Durante e encuentro, studiantenan a haya un bishita mas cla riba con energia ta wordo transmiti y distribui riba Aruba, y kico ta e rol di e grid nacional den hende su bida diario.

Mas cu solamente un presentacion, e mucha nan a participa activamente den un actividad practico unda nan mes a explora con un sistema di distribucion ta traha.

Cu iniciativa aki, NV Elmar ta sigui planta e semia di curiosidad, creatividad y ambicion den e siguiente generacion di ingenieronan.



**YES, YOU CAN
AFFORD IT.**

SHOP TODAY AND GET

**2 FREE
INSTALLMENTS**

PLUS

FREE DELIVERY

FOR CREDIT CUSTOMERS!

LIMITED TIME. SHOP NOW.

**NO HIDDEN FEES | NO COLLATERAL
APPROVAL IN 24 HOURS**

